

Romanos

Paulo Roma macainare Jesu yainare joarocaha

¹ Yũhũ Paulo mũsare Roma macainare joarocaja. Yũhũ jija Jesucristo cahamacũno. Tiro yũhũre beseri jire. To ya noaa buheare buhe duti warocahtiro cjihtore yũhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu mũhtaina cjiri panopũ macainare to yahuhtire to ya pũi joa dutiha. ³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro. ⁴ Jesucristo mari pũhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ã yoaro Jesucristo potocãta Cohamacũ macũno to jiare ñori jire Cohamacũ masare. ⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. ⁶ ã jiro mũsa cãhũre Jesucristo yaina cjihtire beseha tiro.

⁷ Mũsare, Cohamacũ to cahĩnare, Roma macainare, to yaina cjihti yoare mũsare tiro. Mũsare jipihtinare ahri pũre joarocaja. ã jicũ Cohamacũ mari Pũcũ, mari pũhtoro Jesucristo mehne mũsare noa dutija. Tina ti yoadohoa mehne noano jiga mũsa.

Paulo Romapũre ñũno waha duaro nimaha

8 Ahrire yahu m̄htaihtja m̄sare: Jipihtia macari macaina Jesucristore m̄sa wacū tuarire masa yahuhre ȳh̄re. Ti ã ni yahuch̄ t̄hoc̄ “Noana”, nija Cohamac̄re. Jesucristo to yoado-horo mehne ã nija tirore. Cohamac̄re sini payoc̄ m̄sa ya cjihti c̄h̄re ã sini payorucuja. 9 Tiro ȳh̄re to dutich̄ to mac̄no ya buheare noaa buheare tuaro buhec̄ to cahamac̄nota jija ȳh̄. ã jiro m̄sa ya cjihtire Cohamac̄re ȳ ã sini payorucuch̄ tiro masina. 10 ã sini payoc̄ Cohamac̄ cahmach̄ mip̄ pinihtare m̄sa cahap̄ ȳ ñ̄i wahahto cjihto c̄h̄re sinija. Yoari pja m̄sare ñ̄ duac̄ ȳ wahahtore cohtai yoanocamaja ȳh̄. 11 Esp̄ritu Santo ȳh̄re to buheri cjiire m̄sare buhe turia duaja Jesure m̄sa wacū tua namohto cjihto sehe. ã jic̄ m̄sare tuaro ñ̄ duaja ȳh̄. 12 Jesure wacū tuaja mari. ã jic̄ m̄sare ñ̄ duaja Jesure mari wacū tuaa mehne p̄ buh̄seheri mari cahma wahchech̄ yoahto cjihto sehe.

13 Ȳ coyea, ahrire m̄sa masich̄ cahmaja. Noaa buheare ȳ buheri baharo paye macari macaina m̄sa coyea judio masa jieraina c̄h̄ Jesure wacū tuare. ã jic̄ paȳ tahari m̄sa cahap̄ waha duamaha tina, Jesure ti wacū tuariro sehet̄ m̄sa mehne macaina c̄h̄ ti wacū tuahto cjihto sehe. ã waha duapaihta waha masiera t̄hi ȳh̄. 14 Jipihtinare noaa buheare buhero jiro nina ȳh̄re. Buheinare, buhemahnoeraina c̄h̄re, masiinare, masieraina c̄h̄re buhehtiro cjihto jii nija ȳh̄. 15 ã jiro jic̄ m̄sare Roma macainare noaa buheare tuaro buhe duaja.

Noa buheare masa t̄hoa Jesure wacū tua

dɯcara

¹⁶ Noaa buheare tɯhoa Jesure wacũ tua dɯcara masa. ã jiro jipihtinare Jesure wacũ tuainare Cohamacɯ to tuaa mehne pichacapɯ wahaborinare yɯhdora. Ti ã yɯhdɯchɯ masicɯ ahri buheare noaa buheare bɯo tiro marieno yahuja. Ahri buheare judio masa tɯho mɯhtari jire. Ti baharo, judio masa jieraina cɯhɯ tɯho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñɯna Cohamacɯ. Tirore wacũ tuaina dihtare ã ni ñɯna Cohamacɯ. Ahri panopɯ ti ni joariro seheta jira: “‘Noaina jira’, to ni ñɯna Cohamacɯre wacũ tuaina dihta jira. ã wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacɯ mɯanopɯ jirirore masa ti yɯhdɯrɯcarire, ti ñaa yoari cɯhɯre ñɯno, ti ã yoari buhiri tina mehne suara. Tó sehe jiina barore to buhiri dahrehtore masichɯ yoara tiro. Masa ti ñaa yoaa mehne painare noaa buheare tɯhoerachɯ yoara tina sehe. ¹⁹ Cohamacɯ to basi to jia tiare masichɯ yoaha. To ã yoachɯ Cohamacɯre masichɯ mijoerara masare. ²⁰ Cohamacɯre mari ñɯerapachɯta mɯano macariro to jia tiare, tuariro to jia cɯhɯre to basi masichɯ yoara tiro. Ahri yahpare to bajuamehneri baharo jipihtia to bajuamehnerire ñɯa “Cohamacɯ to yoari cjiri jira ahri” nia, Cohamacɯ to jia tiare masina masa. ã jia masa Cohamacɯre masipahta ã ñaaare yoarucua, buhiri tira. “Mɯhɯre masierahi. ã jicɯ ñaaare yoahi”, ni masisi Cohamacɯre. ²¹ ã jia Cohamacɯ

to jia tiare masipahta tina tirore ño payoerara. Ñ jia tiro tinare to noano yoapachata tina sehe “Noana”, nierara tirore. Ñ tuho masieraina jia, wiho jia macaare, ñaa dihtare tuhoturucuina baro jira tina. ²² “Tuho masiina jija”, nipahta tuho masieraina wahara tina. ²³ Ñ wahaa Cohamacure ã jirucurirore tina ño payoerara. Ñ ño payoeraa, ti ño payoboriro sehere cohtota, wiho jia masuri sehere “Cohamacu jira”, ti nia masuri sehere ño payora. Wiho jia masuri sehere yariahtina masa masurine, ã yoa minichahca masurine, chihchõina masurine, wahuquina masuri cãhure “Cohamacu jira”, ni ño payora tina.

²⁴ Ti ã yoachu ñuno “Ti mu suro ñaare goa pja, yoawahnojaro”, nino Cohamacu cohãnocare tinare. To ã cohãri baharo tina ñabiaro, pjíro buoro wahachu yoare cahma yoarucura ti basi. ²⁵ Ñ jia Cohamacu ya sehere cahmaeraa, mahñoa sehere noano tuhora tina. Cohamacu ya sehere mahñoa yoaro sehe jichu yoara tina. Potocãta Cohamacu warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. Ñ tirore ño payoeraa, Cohamacu to bajuamehneri cjiri, wiho jia sehere ño payora tina.

²⁶ Ti ã ño payochu ñuno “Ti mu suro goa pja, yoawahnojaro”, nino Cohamacu cohãnocare tinare. Ñ jia tina numia mua mehne manu tiboina cohtota, ti basi numia dihta ñano yoara ti pjacuri mehne. ²⁷ Ti yoaro seheta jiina mua cãhu numia mehne namo tiboina jipahta, tíre cohtota, mua ti basita ti pjacuri mehne ñabiaro yoara. Ñ yoaa,

ti basita ti ñano yoari buhiri ti pjacuri sehe ñano yuhdura.

28 ã Cohamacure ti cahmaerari buhiri Cohamacu tinare cohãre. To ã cohãchũ tina sehe ñano wacũrucu, ñano yoarucura. 29 ã jia tina tuaro ñano yoarucura. Numia mehne ñano yoarucuina, mũa mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjachũ ñũa goa pjaina, masare wajãina, cahma sayoina, mahñoina, masare ñũ tuhtiina, ñaa quiti dahreina, 30 paina ti yoaerapachũta ñano ni yahuwajaina, Cohamacure ñũ tuhtiina, painare purĩno yuhtiina, “Sã sehe masi yuhdurũcũ sãja”, ni tuhotuina, painare ã ni yahuina, paye ñaare yoa dũcaina, ti pũcũsumare yuhtieraina, 31 tuho masieraina, ti nino seheta yoaeraina, masare ne cahĩeraina, ti basi cahma susini duhueraina, ne pja ñũeraina jira tina. 32 ã ñano yoarucuinare Cohamacu pichacaru cohãnohca. To ã cohãhtire masipahta tina tí ñaare ã yoarucura. ã jia paina tinare ñũ cũ ti yoaro seheta ñano ti yoachũ ñũa, “Mari yoaro seheta ñano yoara”, ni wahchera tina.

2

Masare buhiri dahre dutiro tíre quihõno yoarohca Cohamacu

1 “Tina ñabiaina jira”, ni yahuwajaena tjiga painare. Mũa cũhũ ti yoaro seheta yoara. “Ñaare yoaeraja sã. ã jina buhiri maeraja”, ni masierara mũa. Mũa yahu wajaina yoaro seheta ñaare yoana, mũa cũhũ mũa basita buhiri

dahre dutina nica. ² Tó sehe yoainare Cohamacu to buhiri dahrechcu potocãta quihõno to buhiri dahrechcu masija mari. ³ Painare “Buhiri tiaha”, ni yahu waja ti yoaro seheta mûsa yoachcu, mûsa cûhure buhiri dahrerohca. ã jina “Sãre buhiri dahresi”, ni tûhotuboca mûsa. Jierara. Mûsa cûhure buhiri dahrerohca tiro. ⁴ Mûsa ñano yoapachuta Cohamacu mûsare pja ñano, dói waro buhiri dahrerara. ã jina “Cohamacu yûhu mehne suasi”, ni tûhotuboca mûsa. Jierara. Cohamacu mûsare pja ñano, dói waro buhiri dahrerara mûsa ñaa buhiri tiare cahyachcu ñu duaro, tirore mûsa yûhtichcu cahmano. ⁵ ã buhiri dahre duaeraparota, mûsa Cohamacure yûhti duaerachcu, mûsa ñaa buhiri tiare mûsa cahyaerachcu, buhiri dahrerohca mûsare. Tó pano mûsare to buhiri dahreboriro yûhdoro tí to buhiri dahrehti dacho waropure ñano, tuaro waro mûsare buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yoarohca Cohamacu. ⁷ Cãina noaare yoarucuina jira. Tina Cohamacure noano wahchechcu yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchcu yoarohca Cohamacu. ⁸ Wiho mejeta paina sehe tina yoaro sehe jierara. Tina ti mûsaro jia ti, ñaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yûhdûahca. Judio masare ãta waha mûhtanohca. Tuhsu, judio masa jieraina cûhure ãta waharohca. ¹⁰ Jipihtina noaare yoaina

sehere Cohamacu “Noana”, ninohca. ã jia masa tinare ño payoahca. ã jiro tinare noano jichu yoarohca Cohamacu. Judio masare ãta waha muhtanohca. Tuhsu, judio masa jieraina cãhure ãta waharohca.

¹¹ Cohamacu judio masare, ã jichu judio masa jieraina cãhure jipihtinare cãno sehe ñuna. Mari yoarire ñuno, quihõno besera jipihtinare, ñaina, noaina cãhure. ¹² Paina Cohamacu Moise cjirore to dutia cjirire masieraina sehe buhiri tiare ti yoachu, to dutiare ti masierapachuta tinare buhiri dahrerohca Cohamacu. ã yoa tí dutiare masiina cãhure buhiri tiare ti yoachu, tí dutiare ti yuhduhcari buhiri buhiri dahrerohca Cohamacu.

¹³ Cohamacu dutiare tuhopahta yuhtierainare “Buhiri marieina, noaina jira ahrina”, ni ñuerara Cohamacu. To dutiare yoaina sehere “Noaina jira”, ni ñuna tinare Cohamacu. ¹⁴ Judio masa jieraina Cohamacu Moise cjirore to cãri dutia maerapahta, ti mu sũro noaare yoaa, Cohamacu dutiare yoaa nina. ã yoaa Moise cjirore to dutiare joari pũre cãaerapahta tina ti mu sũro to dutiare masina. ¹⁵ ã jia to dutiare ti tuhotuapũ potocãta cãara tina. ã cãaa ñaare yoaa dóicãta ti ñaa yoarire masina tina. ã jiro ñaare yoariro “¿Dohse jiro baro ñaare yoari yuhu?” ni tuhutura tiro. ã jiro noaare to basi to yoari cãhure masina tiro. ¹⁶ ã jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahõno, tiro tinare beserohca noaina, ñaina cãhure. Tó sehe yoarohca tiro noaa buhea to nino seheta. Ahrita jira masare yu buhea.

Cohamacu Moise cjirore to dutirire yahuha Paulo

¹⁷ MUSA sehe judio masa jina, Cohamacu Moise cjirore to dutiare ño payoina jina, “Cohamacu to yaina jija”, ni tũhotumana mUSA. ¹⁸ ã jina Cohamacu dutiare masiina jina, to cahmaare masina mUSA. ã masiina jina, “Noaare sã yoahtore bese masija sã”, ni tũhotumana mUSA. ¹⁹ ã ni tũhotuna õ sehe ni tũhotu namona mUSA: “Painare ne masierainare noano masichu yoaja sã. Tinare sã buherachu ne Cohamacure masieraboa tina. ã jia ñaare duhueraboa”, ni tũhotumana mUSA. ²⁰ ã jina “Tũho masierainare noaare yoa dutiina, macanacã cũhure buheina jija sã”, ni tũhotumana mUSA. ã jina “Cohamacu dutiare cjuana, potocã jiare masi pahñoja sã”, ni tũhotumana mUSA. ²¹ ¿ã jina painare buheina jipanahta, dohse yoana mUSA sehe mUSA buheriro sehe yoajerari? ¿Painare yaca dutieraina jipanahta dohseana mUSA sehe yacajari? ²² ¿Pairo namono mehne ñano yoa dutieraina jipanahta dohseana mUSA sehe pairo namono mehne ñano yoajari? “Cohamacu jira”, ti nia masurine ñu yabiina jira mUSA. ¿ã ñu yabiina jipanahta dohseana tí masurine ti ño payoa wũhũsepu sãa yacajari mUSA? ²³ “Cohamacu Moise cjirore to dutiare cjuaja sã”, niina jipanahta to dutiare yũhdũrucara mUSA. ã yũhdũrucana Cohamacure ño payoerachu yoana nica mUSA painare. ²⁴ ãta nina Cohamacu yare ti joari pũi: “Cohamacu dutiare mUSA yũhdũrucari buhiri judio masa jieraina sehere Cohamacure ti ñano durucuchũ yoara mUSA judio masa”, ni joaa tiha Co-

hamac_u yare ti joari pũi.

²⁵ “Cohamac_u yaina jija”, ni t_uhotura cãina judio masa mahanocã cahsarocãre yihsoina. Cohamac_u yare ti yoach_u judio masa ti jich_u noa nina. To yare ti yoerach_u judio masa ti jia tia yaba cjihti jierara. Yihsoina ti jia tia cãh_u yaba cjihti jierara. ²⁶ ã jiro judio masa jieraina mahanocã cahsarocãre yihsoeraina ti jipach_uta, Cohamac_u dutiare ti yoach_u ñ_uno “Y_u yaina masata jira”, ni ñ_una Cohamac_u tinare. Judio masa sehere to ã ni ñ_uboriro seheta judio masa jieraina sehere ã ni ñ_una. ²⁷ Pay_u judio masa Cohamac_u Moise cjirore to dutiare cj_uapahta tíre yoerara tina. ã jia paina judio masa jieraina sehe mahanocã cahsarocãre yihsoeraina jipahta to dutiare yoara. ã yoaina jia judio masa ti ñ_uno yoarire masich_u yoaa nina. ²⁸ Mip_ure judio mas_uno waro to jiare yahuihtja m_usare. To pjac_ure mahanocã cahsarocãre yihsoriro jiparota Cohamac_ure ño payoeraro potocãta judio mas_uno waro jierara. ²⁹ Cohamac_u yairo Espíriture cj_uariro tirore y_uhtiro tiro tjira judio mas_uno waro. ã yoa to pjac_ure mahanocã cahsarocãre to yihso cohãriro seheta to ñaa yoare duhura tiro. To m_u s_uro dutiare yoariro jieraparota Espíritu Santo to yoadohoa mehne to ñaa yoare duhura. Tó sehe yoarirore “Noariro jira”, ni ñ_una Cohamac_u sehe. Masa sehe tirore ti ã nierapach_uta, ã nina Cohamac_u sehe.

3

¹ ¿Y_u ã nich_u judio masa ti jia tia wiho waro jijari, m_usa t_uhotuch_u? Ne wiho waro jia nierara. ¿Co-

hamacũ judio masare to dutiriro seheta ti pjacũre mahanocã cahsarocãre ti yihso cohãa wiho waro jijari, m̃sa tũhotuchũ? Ne wiho waro jia nierara. ²Judio masa ti jia tia wiho waro jierara. Cohamacũ yare ti joari pũre judio masare cũ m̃htaha. ã jia judio masa ti jichũ noa nina tinare. ³ã jia cãina judio masa Cohamacũre ti tũhoerapachũta to niri cjiri potocãta jira. ã jiro to ni cũriro seheta yoarohca tiro. ⁴ãta jira. Jipihina masa mahñoina ti jipachũta Cohamacũ sehe ne mahñoerara. Panopũ to yare yahu m̃htariro cjiro to ni joariro seheta ne mahñoerara Cohamacũ. Õ sehe ni joaa tiha:

“Potocã niriro jira m̃hũ Cohamacũ.

M̃hũre ã jia masa ‘Cohamacũ quihõno yoerara’,
ni masierara m̃hũre”,
ni joaa tiha panopũ.

⁵ Õ sehe ni tũhotuboca masa: “Mari ñaare yoana Cohamacũ noaare to yoariro jichũ masichũ yoaja. ã jiro ñaare mari yoachũ noa nina. ¿To ã noaa jipachũta dohsearo tiro mari ñaare yoari buhiri buhiri dahremacanocajari?” ni tũhotuboca masa. Masa ti tũhotuboriro seheta ã nii nija. ⁶Tó jierara ti ã ni tũhotuchũ. Mari ñaa yoari sehe noaa jichũ Cohamacũ mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacũ sehe ne mahñoerara. ã jina masa ti mahñoichũ ñna Cohamacũ sehe ne mahñoerariro to jichũ noano ñũ masija mari. ã jia masa mahñoa, Cohamacũ to mahñoerariro to jiare ñoa niboca tina. ãta ni tũhotumana cãina. ã ni tũhotua ò sehe ni tũhotu namomana tina: “Sã mahñoa mehne Cohamacũ

to mahñoerariro jiare ñona nija. Ñ ñona noano yoana nija. Ñ jia sã mahñoa noa nina. ¿Sã mahñoa noaa nichu dohse jiro baro sã mahñori buhiri sãre buhiri dahremacanocabocari Cohamacu?” ni tuhutumana cãina masa. ⁸ Ñ jia õ sehe ni mahñoa cãina sãre: “ Ñano yoana Cohamacu to noariro jichu ñona nica. Ñ jina ñano yoajihna’, nihre Paulo cãhu”, ni mahño yahusãna sãre cãina. Ti ã niri buhiri tinare Cohamacu buhiri dahrerohca. Ñta yoaro cahmana tinare.

Jipihtina buhiri tiina jija mari

⁹ ¿Ñ yoa dohse ni tuhutujari masa? ¿Mari judio masa paina yuhdoro noaina jijari mari? Jieraja mari. Judio masa, judio masa jieraina cãhu ñaa buhiri tia cjuaina dihta jija mari. Ñ jina jipihtina buhiri tiina jija mari. Ñta jira. Jipihtinare yu buheriro seheta jira. ¹⁰ Panopu to ni joariro seheta jira ahri: Õ sehe ni joaa tiha:

“Ne cãiro masano noariro mariahna, Cohamacu to ñuchu.

¹¹ Jipihtina masa tuho ñahaeraina dihta jira.

Tuhsu, jipihtina masa ne Cohamacure macaeraina jia, tirore wacũ payoerara.

¹² Tina Cohamacu yare cohãa jipihtina ñaare yoaina wahare.

Ne cãiro noaare yoariro pinihta mariahna.

¹³ Ti duseri masa copari ti pjõo dapori yoaro sehe jira.

Ti durucuhu, masa copari urãa wijaaro sehe mahñoa dihta ti duserire wijaara.

Ñ durucua agã duseroi to ñima purãa wijaaro seheta purño ti durucua wijaara ti duserire.

14 Tina painare ñano durucuina, purĩno durucuina jira.

15 ã jia sua ñaina dóicãta masare wajãina jira.

16 Nohoi ti waharoi tina masare ñano yoa, ñano yuhduchũ yoara tinare.

17 Tó sehe jia paina masa mehne tina noano jierara.

18 ã yoa Cohamacũre ne ño payoerara”, ni joaa tiha panopũre.

19-20 Cohamacũ jipihtiare to joa na dutiri cjiire sãre judio masare cũha. ã jiro tó sehe to ni joariro cjiro mari cũhũre dutisinina. “Buhiri mariaha sãre”, ni masieraja mari. ã jina mari jipihtiro macaina judio masa, ã jichũ judio masa jieraina cũhũ to buhiri dahrehtina mari jia tiare masija mari. ã jina buhiri tiina mari jiare masina, “Noaina jija sã”, ni masieraja Cohamacũre. Cohamacũ to yoa dutia sehere ne mari yoaeraja. ã jiro to dutia sehe buhiri tiina mari jia tiare masichũ yoara marine. ã masina, õ sehe ni masieraja mari: “Cohamacũ dutiare yoa pahñohi. ã jiro Cohamacũ marine ‘Noaina jira’, ni ñũna”, ne ni masieraja mari jipihtiro macaina.

Cohamacũre noano mari wacũ tuana to yaina wahaja mari

21 Wiho mejeta mipũre Moise cjiore to dutiri cjiire yoa pahñono marieno masare ti ñaa buhirire to cohãrere masichũ yoara marine Cohamacũ. Moise cjiro to joari cjiri mehne, Cohamacũ yare yahu mũhtaina cjiri ti joari cjiri mehne yahu cũ mũhta tuhsaha ahrire.

22 Jipihtina Jesucristore wacũ tuainare, tirore

tuhoinare “Noaina jira”, ni ñuna Cohamacu. Tó sehe cãno potori ñuna tiro jipihtina dohse jiina Jesucristore wacũ tuainare. ²³ Mari jipihtina ñaare yoaina buhiri tiina dihta jija. ã jina Cohamacu to cahmano sehe mari jiboriro dahsa yuhdãara. ²⁴ Mari ã jiina jipachuta Cohamacu marine pja ñuna. ã jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñuna Cohamacu marine. ²⁵ Panopu macaina cjiri buhiri tiina ti jipachuta Cohamacu dóicãta buhiri dahreraha tinare. ã buhiri dahreraro ti buhiri tiare wiho waro ã tãhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ ã yoa mipu cãhure quihõno yoariro to jia tiare masa ti masichu cahmana tiro. Quihõno yoariro jira tiro. ã jiro Jesure warocari jire masa ti ñaa buhiri yariahtiro cjihtore. ã jiro Jesure wacũ tuainare, “Buhiri marieina, noaina jira”, ni ñuno, quihõno yoaro nica.

²⁷ ¿Mipure “Noaina jija mari”, ni masicari mari masa tãhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cãhure ni masieraja mari. Mari ã ni masierapachuta Jesure mari wacũ tuachu “Noaina jira”, ni ñunohca marine Cohamacu. ²⁸ Õ sehe masija mari: Jesure mari wacũ tuachu ñuno

marine ñu jicoara Cohamacu. ã jiro marine “Buhiri marieina, noaina jira”, ni ñuna tiro. To dutiare mari yoari wapa ã ni ñerara. Tirore mari wacũ tuachu ã ni ñuna.

²⁹ Tuhsu, Cohamacu judio masa puhtoro dihta jierara. Judio masa jieraina puhtoro cãhu jira tiro.

³⁰ ã jiro Cohamacu cãirota jiro jiro, jipihtina bui puhtoro jira. ã jiro jiro judio masare, ã jichu judio masa jieraina cãhure Jesure ti wacũ tuachu, tinare cãno potori “Buhiri marieina, noaina jira”, ni ñunohca Cohamacu. ³¹ ¿ã jina Jesure wacũ tuana Cohamacu Moise cjirore to dutiare cohãna nibocari mari? Cohãeraja mari tãre. Jesure wacũ tuaina jina, Cohamacu dutiare yoa pahõna nija mari.

4

Abrahã Cohamacure to wacũ tuarire yahuha Paulo

¹ Mari ñuchu cjiro panopu macariro Abrahã cjirore Cohamacu õ sehe yoaha: ² Abrahã cjiro noaare to yoapachuta “Noariro jira”, ni ñeraha Cohamacu tirore. ã jiro noaare yoaparota ñariro jisino “Yuhu pini noariro jija”, ni masieraha Abrahã, Cohamacu to ñuchu. ³ Cohamacu yare ti joari pũ õ sehe nina: “Abrahã Cohamacu to nirire to quihõno tãho ñaha, tirore to wacũ tuachu ñuno Cohamacu tirore ‘Potocãta noariro jira’, ni ñaha”, ni yahura Cohamacu yare ti joari pũ. ⁴ Puhtoro dahrainare waparo, wiho waro to pja ñua mehne waparo nierara. Ti dahrari wapa tinare waparo nina. ⁵ Wiho mejeta Cohamacure wacũ tuainare dahrainare ti waparo

sehe yoerara Cohamacu. Cohamacure wacũ tuarirore “Noariro jira”, ni ñana Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjrيره tirore ti cahmachu ñuno buhiri marieina, noaina wahachu yoara. ã jiro masuno Cohamacure to wacũ tuachu ñuno “Noariro jira”, ni ñana Cohamacu tirore. ⁶ ãta niha panopu macariro Davi cjiro. Masuno noaare to yoapachuta Cohamacu tirore “Noariro jira”, ni ñeraca. Tirore to wacũ tuachu ñuno pini Cohamacu tirore “Noariro jira”, ni ñana. Cohamacu to ã ni ñariro wahcheare yahuha Davi cjiro. Õ sehe niha:

⁷ “Cohamacu ti ñaa yoarire to cohãchu masiina sehe tuaro wahchera.

⁸ ‘Noaina jira. Musa buhiri tiare wacũsi yuhu’, to nichu tũhoina tuaro wahchera”, niha Davi cjiro.

⁹ ¿Judío masa ti pjacure mahanocã cahsarocãre yihsorina dihtare ti ñaa yoarire boari Cohamacu? Jierara. Judío masa jieraina yihsoeraina cũhure ti ñaa yoarire bora tiro. Pari turi Abrahãre wacũga musa. Tiro Cohamacure to wacũ tuachu ñuno “Noariro jira”, ni ñaha Cohamacu. ¹⁰ ¿Dohse jichu ã yoari Abrahã, musa tũhotuchu? To pjacure mahanocã cahsarocãre to yihsohto panoputa tirore “Noariro jira”, ni ñaha Cohamacu. ã jiro yihso, to ñaa yoarire cohã tuhsuriroru yihsoha. ¹¹ ã jiro dóihta Cohamacure wacũ tua mũhtaha Abrahã. To ã wacũ tuachu ñuno “Noariro jira”, ni ñaha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. ã jiro Abrahã

to yihsohto pano Cohamacu sehe “Noariro jira”, ni ñu tuhsuha tirore. Tiro to yihsohto pano to ã ni ñariro seheta jipihtina Cohamacure wacũ tuainare judio masa jieraina yihsoerainare “Noaina jira”, ni ñuna Cohamacu. To ã ni ñuina ti jichu Abrahã ti ñuchuno cjiro waro yoaro sehe wahara. ¹² Tí yoaro seheta masa, yihsoina Cohamacure ti wacũ tuachu ti ñuchuno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turiaina jira.

Cohamacu Abrahãre to ni cõrre “Potocã tjira”, niha Abrahã

¹³ Panopu õ sehe niha Cohamacu Abrahãre: “Ahri yahpare mure, mu panamana ji turiainapu cõhure waihtja”, ni yahu cõha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehere ã niha Cohamacu tirore, “Noariro jira”, tirore to ni ñuri baharo. ¹⁴ “Cohamacu Moise cjirore to cõri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihtirore na duara. Wacũ tuaro marieno ti nachu mari sehe Cohamacure mari wacũ tuaa yaba cjihti jieraboa. ã jiro Cohamacu marine to ni cõri cjiro yaba cjihti jieraboa. ¹⁵ Moise cjirore to cõri dutia sehere yoerara masa. ã jiro to dutiare ti yuhdurucari buhiri masare buhiri dahrerohca Cohamacu. Wiho mejeta to dutia mariachu to dutiare yuhdurucaro cõhu mariaboa.

16 Ñ yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. Ñ jiro jipihtina tiro yoaro sehe Cohamacure wacũ tuaina ti ñuchuno waro yoaro sehe tjuara Abrahã cjiro. Ñ jiro “Ahrire m̄sare waihtja”, Cohamacu nino jipihtinare tirore wacũ tuaina pinihtare nino niha. Ñ jia Cohamacu Moise cjirore to dutiri cjirore yoaina Cohamacure wacũ tuaina Cohamacu to wahtore naahca. Tina dihta nasi. Jipihtina Abrahã cjiro yoaro sehe Cohamacure wacũ tuaina c̄h̄u tinare to wahtore naahca. 17 Tíre Abrahã cjirore to niriro seheta joaa tiha panopure: “ ‘Payu macari macaina ti ñuchuno cjihto c̄hi m̄h̄ure’, ni c̄ua tiha Cohamacu Abrahã cjirore”, ni joaa tiha panopu. Ñ jiro tiro Cohamacure wacũ tuaa tiha. Ñ to wacũ tuachu mari ñuchu cjiro yoaa tiha Cohamacu tiro cjirore. Cohamacu sehe yariainare masoriro, jipihtinare, jipihtia c̄h̄ure bajuamehneriro jira.

18 “Payu yahpari macaina mu panamana ji turina jiahca”, Cohamacu to ã ni c̄chu Abrahã cjiro sehe pohna marieriro jiparota, “Potocãta jira”, ni t̄hotua tiha. Ñ ni t̄hoturo payu yahpari macaina mari ñuchu cjiro yoaro sehe wahaha tiro Cohamacu tirore to ni c̄riro seheta.

19 Ñ jiro cien c̄hmari c̄uariro jiparota “Bucuro waro jija”, ni t̄hotuparota, Sara to namono ne pohna marienicoro to jipachuta “Pohna ti masieraja sã”, ni t̄hotueraa tiha Abrahã cjiro. Ñ jiro Cohamacu to ni c̄riro “Potocãta jira”, nia tiha Abrahã cjiro. 20 “To niriro seheta yoaeraboca”, ne ni t̄hotueraa tiha Abrahã cjiro. Ñ jiro tiro

Cohamacu to ni cūrire noano tūhoa tiha. To ã niare tūhotjiāhno “Cohamacu tuariro jira”, ni ño payoro nia tiha. ã jiro Cohamacure wacū tua namoa tiha tiro. ²¹ “Cohamacu to niriro seheta noano bihorohca”, ni tūhotu noano masia tiha Abrahā cjiro. ²² To ã masichu Cohamacure to wacū tuachu Cohamacu sehe “Noariro jira”, ni ñua tiha Abrahā cjirore. ãta ni joaa tiha Cohamacu yare ti joari pūi.

²³ ã yoa Abrahā cjiro dihtare ã ni joaeraa tiha. ²⁴ Tíre mari masihti cjihtire mari cūhure ã ni joaa tiha. ã jiro Cohamacure mari wacū tuachu “Noaina jira”, ni ñuhocha mari cūhure Cohamacu. Tiro pini mari puhtoro Jesu to yariachu masori jire tirore. ²⁵ Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñuhto cjihtore.

5

“Noaina jira”, Cohamacu to ni ñuchu õ sehe waharohca marine

¹ Jesucristore mari wacū tuachu ñuno “Buhiri marieina, noina jira”, ni ñua marine Cohamacu. To ã ni ñuchu Cohamacu mehne macaina marine jichu yoara mari puhtoro Jesucristo. ² ã jina mari tirore wacū tuachu ñuno Cohamacu marine cahño, pichacapu wahaborinare yūhdore tiro mehne mari jihto sehe. Cohamacu pinihta noa yūhdariro jira. ã jiro tiro yoaro seheta jiina wahachu yoarohca marine tiro. To ã yohti cjihtire noano masi, wahcheja. ³ ã yoa ñano yūhduna cūhu wahcheja mari. Ñano yūhduna, tíre cūno pja masija mari. ã cūno pjana, ñano yūhdūpanahta

noano Cohamacure wacũ tuaina waha namoja mari. ã jina Cohamacu yare duhueraja mari. ⁴ Mari ã yoachu ñno “Noana”, ni ñnohca Cohamacu marine. ã jina marine to yũdohtore noano masi, wacũ cohtana nija mari. ⁵ Ne wiho waro wacũ cohtana nieraja. Cohamacu marine to Espiritu Santore warocare mari mehne jihtirore. ã jiro Espiritu Santo sehe mari mehne jiro Cohamacu marine to ã cahĩrucuare masichu yoara. To ã masichu yoachu marine to yũdohto noano waro jiro nina. Potocãta yũhdunahca mari.

⁶ Tó pano mari ñaa yoarire mari basi mari yũhdu masierachu ñno, to quihõriro mu sachu, Cohamacure cahmaeraina mari jipachuta, Cristo sehe mari ñaa buhirire variabasaha. ⁷ Cãiro masano noariro jiparota variahtiro to jichu paio sehe to yariaborirore cohtota, to yariabasa duachu mijo yũhdunara. Noaa dihtare yoariro yaro jiborirore paio yariabasaboca pa tehe nino. ⁸ Wiho mejeta Cohamacu sehe õ sehe yoara. Buhiri tiina mari jisipachuta mari yaro jiborirore Cristo yariaha. To ã yoachu Cohamacu marine to tuaro cahĩare masija mari. ⁹ Mari yaro jiborirore to ñano di wijaa, yariachu Cohamacu sehe marine “Buhiri marieina, noaina jira”, ni ñna. To ã ni ñari baharo mipu pinihtare marine pichacapu wahaborinare yũhdorohca Jesu. Marine to yaina wahachu to yoari baharo marine buhiri dahresi pichacapu Cohamacu. ¹⁰ Cohamacure ñu tuhtiina mari jipachuta, to macano sehe yariaro, mari ñaa buhiri tiare cohãno, Cohamacure mari ñu tuhtirire duhuchu yoare. To ã yoaro mehne

Cohamacu mari buhiri tiare bora. Tuhsu marine to yaina wahachu yoara. Mipuni pinihtare tí yuhdo curero yoarohca marine. To yaina mari jichu Jesu to masa mujari mehne marine pichacapu waha-borinare noano yuhdorohca tiro. ¹¹ ã jina baharopu mari yuhduhtore masina wahcheja mari. Mipure ahri cūhure wahcheja. Mari puhtoro Jesucristo mari ñaa yoari buhirire to yariari baharo Cohamacu yaina jija mari. ã jina wahcheja.

Adãore, Cristore yahuha Paulo Roma macainare

¹² Adão cjiro Cohamacure to yuhduhcari baharo ahri yahpare ñaa buhiri tia ji ducaha. Ñaa buhiri tia ji ducaro mehne masa yaria ducaha. Jipihtina mari ñaare buhiri tiare yoaja. ã jina jipihina ñaina mari jiri buhiri yariaja. ¹³ Cohamacu to dutiare Moise cjirore to cūhto pano potocãta ahri yahpa macaina ñaa buhiri tiare yoaa tiha. Ti ã yoapachuta to dutia mariachu to dutiare ti yuhduhcari buhiri buhiri dahre masieraha. ¹⁴ To ã buhiri dahre masierapachuta Adão cjiro cūhu to baharo jiina cūhu tí dutia mariasinipachuta yariaa tiha. Moise cjiro to jihto pano tí dutia mariasinipachuta masa yariaa tiha. Paina ñano yoaa Adão cjiro ñano to yoariro sehe waro yoaera timaha. ã jipahta tina cūhu yariaa tiha. ã jiro Adão cjiro ñaare to yoa ducariro sehetã yoari pja baharopu ahri yahparu tariro noaare yoã ducari jire.

¹⁵ Adão cjiro to yuhduhcari Cohamacu masare to pja ñua yoaro sehe jierara. Cohamacu to pja ñua sehe noa yuhduhara. Adão cjiro cãirota jiparota ñaare to yoa ducari buhiri payu masa yariaa tiha. Cohamacu sehe marine pja ñuno, Jesucristore

warocari jire. To ã warocach_u tiro cãirota jiriro pichacaru wahaborinare masare pay_u yuhdora. ¹⁶ ã jiro Cohamac_u masare to pja ñ_ua Adão cjiro to yuhdurucari yoaro seheta jierara. Adão cjiro sehe cãirota jiriro ñaare to yoari buhiri jipihtina masa ñaa buhiri tiina jira. ã ti buhiri tiina jipachuta masa pjíro ti ñaare yoapachuta mipure masare pja ñ_uno Cohamac_u ti ñaare bora. ã boro “Noaina jira”, ni ñ_una tiro tinare. ¹⁷ Adão cjiro cãirota jiriro ñaare to yoa ducach_u jipihtina masa yariarucura. Tí potocã tjira. To ã jipachuta ahri sehene wahchenahca mari. Mipure Cohamac_u masare pja ñ_uno Jesucristo cãirota jiriro to yariaro mehne ti ñaare boro, tinare “Noaina jira”, ni ñ_una. ã jia jipihtina to ã ni ñ_uina manop_u Cristo mehne pãhtoa jahca.

¹⁸ Adão cjiro cãirota to jipachuta to yuhdurucari buhiri jipihtinap_u buhiri tiina waha ducaha. ã jia Cohamac_u to buhiri dahrehtinap_u tjuaha tina. Tó yoaro seheta Jesu cã_u cãirota jiparota noano yoaro jipihtina ti buhiri tiare cohã masina. Ti buhiri tiare to cohãch_u, “Buhiri marieina, noaina jira”, ni ñ_una tinare Cohamac_u. ã jia to ya catiare cjãa, ã catirucuahca tina.

¹⁹ Adão cjiro cãirota Cohamacure yuhdurucaha. To ã yuhdurucach_u, pay_u masa ñaa buhiri tiina waha. Tó yoaro seheta Jesu cã_u cãirota Cohamacure yuhtiha. ã yuhtiro, pay_u masa ti buhiri tiare cohã masina tiro. To ã cohãch_u “Ñaare ti yoari buhiri tia mariena, noaina jira”, ni ñ_una Cohamac_u tinare.

²⁰ Cohamac_u to dutiare Moise cjirore cãa tiha tí

mehne jipihtina masa ti ñaa buhiri tiare ti noano masihto cjihtore. Ñ jia masa ti ñaa buhiri tiare masia tí yuhdoro Cohamacu tinare tuaro to cahña tia cãhure masiahca. Tiro marine cahñ yuhduara. ²¹ Buhiri tiina ti jiri buhiri masa yariahtina jira. Ti yariari baharo, pichacapu wahaahca. Wiho mejeta Cohamacu masare cahñ yuhduara. Ñ tuaro cahño, mari puhtoro Jesucristo masare to yariabasaro mehne masare “Buhiri marieina, noaina jira”, ni ñuna. To ã ni ñina sehe to ya catia mehne ã catirucuahca.

6

Yariaina cjiri ti ñaare yoareraro seheta Cristo yaina cãhñ ñaare yoarucuerara

¹ ¿Dohse yoanahcari mari mipure, musa tãhotuchu? Cãina õ sehe niboca: Ñaare mari yoachu ñno Cohamacu mari ñaa buhirire borohca. ¿Cohamacu marire to cahñ namochu ñu duana ñaare yoa namobocari mari? ² Jierara. Ñaare yoarena tjijihna mari. Yariaina cjiri ñaare ti yoareraro seheta Cristo yaina jina mari cãhñ ñaare yoarucu masieraja mari. ³ Jesu yaina mari jia tiare masa ti ñu masihto cjihtore copu bautisare marine paina. Ñ jina mari puhtoro Jesucristo to yariachu, mari cãhñ tiro mehne yariaina seheta wahahi. ¿Tire masierajari musa? ⁴ Ñ bautisarina wahana Cristo pjacure masa copapu ti siõ sãa payo cohãriro seheta pano mari ñaa yoarire duhuja. Ñ jina Cohamacu to tuaa mehne Cristo to masa mujariro seheta mari cãhñ to tuaa mehne mari jia tia cãhure, mari tãhotua cãhure cohtotaja. Ñ

cohtotana to yare wahma yoarucaina wahaja mari.

⁵ Cristo yaina jina, tiro mari pũhtoro mehne yariaina seheta jina, to masa mũjariro seheta mari cũhũ masa mũjanahca. Tí potocãta jira. ⁶ Cristo yaina ji dũcana crusapũ tiro mehne yariaina seheta wahai pari turi mari ñaare yoarucuerahto sehe. ã waharina jina ñaare yoarucuina ji namo duasi mari. Tíre mari masija. ⁷ Yariariro cjiropũre ñaare goa pjaa mariahna. ã jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaro sehe jina, to masa mũjariro seheta mari cũhũ masa mũjanahca. “Tí potocã tjira”, ni tũhotuja mari. ã jina tíre mari masa mũjahtire wacũ cohtaja mari. ⁹ Cristo to yaria masa mũjari baharo ne pari turi yariasi. ã catirucuriro jira tiro. Tíre mari masija. ¹⁰ ã jiro Cristo cũ tahata yariaro, masa ti ñaa yoari buhirire cohãno taro yariaha. To masa mũjari baharo Cohamacũ to cahmano seheta yoarucuhtiro jira tiro. ¹¹ Tiro yoaro seheta mũsa cũhũ õ sehe ni tũhotuga: “Yariaina cjiri ti yoeraro seheta mari cũhũ ñaare yoa duaeraja. Jesu yaina jina Cohamacũ to cahmano seheta yoahatina cjihtita jina nija mari cũhũ”, ni tũhotuga mũsa.

¹² ã jina mũsa yariahtina jina ñaare yoarucuina jiena tjiga. ã jina mũsa ñaa yoaare goa pjapanahata tíre ã tũhotunocahga. ¹³ Ñaare yoaina jiena tjiga. Mũsare pichacapũ wahaborinare Jesu to yũhdorina jira mũsa. To ã yorina jina Cohamacũ cahmaa dihtare yoaina jiga mũsa. ã jina

noaare yoaina jiga m̄sa. ¹⁴ Mip̄re Cohamac̄ Moise cjirore to dutia mehne marine dutierara. Cohamac̄ marine cah̄no tiro sehe marine dutira. ã jina to yoadohoro mehne ñaare yoa duasi mari.

M̄sa ñaare yoarucuch̄ tí ñaa m̄sa p̄htoro yoaro sehe jira

¹⁵ ¿Ȳ ã nich̄ dohse ni t̄hotujari m̄sa? ¿Cohamac̄ sehere ȳhtihtina jina Moise cjirore to dutiare ȳhtihtina jierana, ñaare yoarucubocari mari? Jierara. ¹⁶ ¿Ahr̄re masierajari m̄sa? M̄sa noano ȳhtiriro m̄sa p̄htoro jira. ã jina to cahamaca jira m̄sa. M̄sa ã ȳhti m̄sa p̄htoro tiriro seheta ñaare yoarucuina m̄sa jich̄ tí ñaa yoaa m̄sa p̄htoro yoaro sehe jira. ã jina ñaare duhu masierara m̄sa. ã jiina jina pichacap̄ wahahtina jira m̄sa. Cohamac̄re noano ño payoina jina pinihta, to cahamaca jira m̄sa. ã jina to yaina noaina jira m̄sa. ¿Tíre masierajari m̄sa? ¹⁷ Panop̄ ñaare yoarucuina m̄sa jich̄ tí ñaa yoaa m̄sa p̄htoro yoaro sehe jimare. Mip̄ sehere noaa buheare t̄hona Jesure wac̄u tuana Cohamac̄re noano ño payoina wahare m̄sa. M̄sa ã wahach̄ ñna Cohamac̄re “Noana”, nija. ¹⁸ ã wahana mip̄re ñaa ti dutiriro cjiro seheta yoaerara m̄sa. ã jina Cohamac̄ cahamaca jina noaa sehere yoara m̄sa. ¹⁹ Cahamaca ti p̄htoare ti noano ño payoare masi pah̄ona m̄sa. ã jic̄ tí m̄sa masiri mehne tí mehne piti dahre buhehi m̄sare ahri buheare noano masieraina m̄sa jich̄ ñnc̄. Panop̄ ñaare yoarucuina jimare m̄sa. M̄sa ã yoarucuriro seheta mip̄ sehere noaare

yoarucuina jiga m̄sa. ã jina Cohamac̄ cahmaa dihtare yoanahca m̄sa.

²⁰ Panop̄ ñaa dihtare yoaina jina, noaa sehere yoaera tire m̄sa. ²¹ ¿Tí p̄jap̄re ñaa dihtare yoana dohse jirore wapatarí m̄sa? Tí m̄sa ñaa yoarire wac̄na m̄p̄re b̄no tica m̄sa. Tí ñaare m̄sa yoari buhiri pichac̄p̄ wahaboa m̄sa. ã jina ñaare yoana ne wapataerara. ²² M̄p̄ sehere m̄sa ñaa yoarire duhuna Cohamac̄ cahamaca wahare m̄sa. ã jina Cohamac̄ cahmaa dihtare yoaina jinahca. ã jina jipihtia dachoripe Cohamac̄ mehne jirucunahca. ²³ Ñaare mari yoari buhiri pichac̄p̄ wahahtina jija jipihtina mari. Mari ã jipach̄ta mari p̄htoro Jesucristore mari wac̄ tuach̄ ñ̄no, jipihtia dachoripe tiro mehne marine jirucuch̄ yoarohca. Mari ã jirucuhtore ã wanocanohca.

7

Cohamac̄ Moise cjirore to dutiare yahu namoha Paulo tjoa

¹ Ȳ coyea, Cohamac̄ Moise cjirore to dutirire noano masina m̄sa. Mas̄no to catisinich̄ tí dutiare ȳhd̄h̄ca dutierara. To yariari baharo pinihtare tí dutiare yoaro mariahna. Tí c̄h̄re masina m̄sa. ² Õ sehe jira: Numinore to man̄no to catiro puro tiro mehne dihta ji dutira Cohamac̄ Moise cjirore to dutiri sehe. To ã dutipach̄ta to man̄no to yariari baharo ticoro sehe pairore man̄ ti masina. Ticoro tí dutia mehne ji namoerara. ³ ã jiro to man̄no to jipach̄ta ticoro pairore man̄ tiro, ñ̄no yoaricoro jira. Wiho mejeta to

manuno to yariari baharopu pairore manu tiro, Cohamacu dutiare yuhdurucaerara ticoro ã yoaricoro. Ñ yoaro ñano yoaricoro jierara ticoro.

⁴ MUSA cūhu yu coyea Jesu yaina wahana, Jesu to yariachu, mUSA cūhu tiro mehne yariaina seheta wahare. Ñ jina yariaina cjirire dutia ti marieno seheta Moise cjirore to dutia to cūri cjiri mUSA cūhure mariahna. Tí dutia musare dutierara. To manuno to yariari baharo, pairore manu tiricoro yoaro seheta mUSA cūhu panopu musare dutimarire duhu, Cristo mehne jira, ticoro paio mehne to jiro seheta. Ñ jina mipure to yaina jira mUSA. Tiro sehe to yariari baharo masa mujari jire Cohamacu cahmaare mari yoahito cjihtore. ⁵ Panopu ñaare mari mu suro yoaa timai. Ñ jina Cohamacu Moise cjirore to dutirire mari masiri baharo tí dutiare yuhduruca duamai. Tí dutia mariachu yuhduruca duaeraboa. Ñ jina tí dutiare mari masiri baharo ñaare tuaro yoamai mari. Ñ mari ñaare yoana mari pichacapu wahahtinata jia timai. ⁶ Ñ wahaborina jipanahta Cristo yaina jina mipure tí dutia mehne jieraja mari. Ñ jiro Espíritu Santo mari mehne jiriro marine noaa sehere cohtotachu yoara. To ã yoachu panopu macaa dutia muna dutia to joari cjiri tí mehne jieraja mari mipure.

To ñaa yoari cjirire yahuha Paulo

⁷ ¿Ñ jina Cohamacu Moise cjirore to dutirire dohse nibocari mari? ¿Tí to dutia ñaa jicari, mUSA tūhotuchu? Jierara. Tí yuhure to dutiri mehne ñaare masii. Ñ jicu to dutia mariachu ñaare masieraboa yuhu. To dutia õ sehe jira. “Paina yapure

tuaro cahmaena tjiga”, niha to dutia. Ti ã nierach_u paina yap_ure tuaro ti cahmari ti ñaa jich_u masieraboa y_uh_u. ⁸ ã jic_u tí dutiare y_u masiri baharo paina yap_ure tuaro cahmaa tii y_uh_u. Tí dutiare masierasinic_u paina yap_ure tuaro y_u cahmari ti ñaa jich_u masieraboa y_uh_u. ⁹ To dutiare y_u noano masiht_o pano ã t_uhotunocai. To dutiare y_u masiri baharo pinihta tuaro ñaare yoa duamai. ã jic_u pichacap_u y_u wahahtore masia tii. ¹⁰ ã jia Cohamac_u dutiare y_uhd_ur_ucaeraa masa tiro mehne noano jirucuboa. ã jia tí dutia sehe noano jirucuch_u yoabori dutia jipahta y_u y_uhd_ur_ucari buhiri y_uh_ure pichacap_u waha dutimare. ¹¹ ã jic_u ñaare yoac_u Cohamac_u Moise cjirore to dutiare y_uhd_ur_uca duamai. Ñaare goa pjariro jic_u noaare masierahi. Tí ñaa y_uh_ure dojomehnerere. ã jic_u noano masierahi. ã masierac_u Cohamac_u dutiare y_uhd_ur_ucai. ã jic_u to dutiare y_u masiri baharo y_u ñaa buhirire pichacap_u y_u wahabori rore masii. To dutia mehne ã masii.

¹² ã jia Moise cjirore Cohamac_u to cūri dutia noaata jira. ã jia quihōno jiata nina tí dutia. ¹³ ¿ã jipahta marine tí noaa dutia sehe pichacap_u wahach_u yoajari? Jierara. Tó_r_u wahach_u yoaerara. Mari ñaa yoa sehe marine pichacap_u wahach_u yoara. To dutiare mari masiri baharo tí dutiare y_uhd_ur_ucana ñaare yoana masija mari. ã jina mari ñaina mari jiare masina mari pichacap_u wahahto cūh_ure masija mari. ã jina to dutiare masina mari y_uhd_ur_ucarire ti ñaa y_uhd_uca jich_u masija mari.

¹⁴ Cohamac_u to dutiare Moise cjirore cūha. Tí to cūa noaa ti jich_u masija mari. Wiho mejeta y_uh_u

sehe paina yoaro seheta ñariro jija. Ñ jicuta ñaare yoarucuca yuhũ. ¹⁵ ¿Dohse waharo nijari yuhũre? Ne noano masieraja yũ yoaare. Yũ yoa dua sehere ne yoera, yũ tuaro yoa duaeraa sehere yoaja yuhũ. ¹⁶ Ñaare yoa duaerapaihta ñaare yoaja yuhũ. Tíre yoacũ Cohamacũ dutia noaa dutia ti jichũ masija yuhũ. ¹⁷ Ñ jicũ mipũre yuhũ waro tí ñaare yoeramaja. Wiho mejeta yũ tũhotuapũ jia ñaa tí sehe yuhũre ñaare yoachũ yoara. ¹⁸ Noaare tuaro yoa duapaihta ne bihoeraja. Ahri yahpa macariro jicũ yũ tũhotuapũ ñaa dihta jira. Ne noaa mariaputiara. Ñ jicũ noaare tuaro yoa duapaihta ne bihoeraja. Ñaa sehe yuhũre dojomehne mũjana. ¹⁹ Noaa yũ yoa dua sehere yoeraja yuhũ. Ñaare yũ yoa duaeraa sehere yoaja. ²⁰ Yũ yoa duaeraare yoacũ mipũre yuhũ waro tíre yoeramaja. Yũ tũhotuapũ jia ñaa tí sehe yuhũre ñaare yoachũ yoara.

²¹ Ñ jiro yuhũre õ sehe wahara: Noaare yũ yoa duapachuta yũ tũhotuapũ ñaa jira. Ñ jicũ noaa sehere ne yoa masieraca. ²² Cohamacũ Moise cjirore to dutirire yũ tũhotua mehne tuaro cahma, quihõno yoa duamaja. ²³ Ñ jicũ yuhũ ahrire yũ basi masija: Yũ tũhotua mehne noaare Cohamacũ dutiare yoa duaja. Ñ yoa duapaihta yũ basi ñaare tuaro yoa duaca. Yũ mũ sũro ñaare duhu masieraja yuhũ.

²⁴ Ñ ñaare duhu masieracũ pjacũoriro jija yuhũ. Ñaare yoacũ pichacapũ wahaihca yuhũ. Cuenah. ¿Yuhũre pichacapũ waha dutia ñaare noa yuhũre yũhdobasabocari? ²⁵ Jesucristore yũ wacũ tuachũ

tiro sehe ñaa yu yoari buhirire yuhdobasarohca. To ã yoachu Cohamacuare “Noana”, nija yuhu. Ñ jicu mipure yuhu yu basi yu tãhotua mehne Cohamacu dutiare quihõno yoa duamaja. Ñ yoa duariro jipacuta yu pjacu mehne yu mu sãro ñaare duhu masieraja.

8

Espíritu Santore cjaina ti jia tiare yahuha Paulo

¹ Mipure Jesucristo yainare ti buhiri tiboro mariaha. ² Ñ jiro Jesucristo yairo yu jichu Espiritu Santo ã catirucuhu yoariro ñaare yuhdurucachu yoara yuhure. Ñaare yuhure yuhdurucachu yoaro yuhure pichacaru wahaborirore yuhdore tiro. ³ Cohamacu Moise cjirore to dutiare mari mu sãro ne yoa pahñosi. Ñ yoa pahñoerana yuhdurucaina jija mari. Ñ jina tí dutia yoaa mehne ne yuhdusi mari. Mari ã jiina jipacuta õ sehe Cohamacu marine yuhdorohca. To macunore mari yoaro seheta pjacu tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Ñ jiro mari tãhotuapã jia ñaare tiro duhuchã yoari jire. ⁴ Ñta yoare Cohamacu dutiare to tuaa mehne mari bihohto cjihtore. To dutiare bihoina jina mari mu sãro jieraja. Espiritu Santo to yoadohoa mehne to dutiro seheta yoaja mari.

⁵ Ñaare yoa duaina, tí dihtare goa pjara. Espiritu Santo to dutiro seheta yoarucina sehe tí to dutia dihtare wacũ nuñu, yoa duara tina. ⁶ Ñaa dihtare goa pjaã, wacũ nuñuina pichacaru wahaahca.

Espíritu Santo to cahmano seheta tuaro yoa du-
 aina sehe jipihtia dachoripe Cohamacu mehne ã
 catirucuahca. ã jia tina Cohamacu mehne noano
 jinocaahca. ⁷ Ñaa dihtare goa pja, wacũ nuñina
 Cohamacure ñu tuhtira. Tina Cohamacu dutiare
 ne yuhtierara. To dutiare yuhti duaerara. Yuhtia
 cãhu bihoeraboa tina. ⁸ ã jia ti mu sũro yovina
 Cohamacure wahchechu yoa masierara.

⁹ Wiho mejeta musa sehe musa tuhotuapu jia
 ñaare yoaerara. Espiritu Santo musa mehne to
 jichu to cahmano seheta yoara musa. ã jia
 Espiritu Santore cjueraina sehe Cristo yaina jier-
 ara. ¹⁰ Musa sehe to yaina jira. Musa ñaa buhiritã
 musa pjacuri yariara. ã musa pjacuri yariahtina ji-
 panahta Cristo musa mehne to jichu tiro mehne to
 ya catia mehne ã catirucunahca musa. Cohamacu
 musare “Buhiri marieina, noaina jira”, to ni ñuchu
 musa tiro mehne ã jirucunahca. ¹¹ Cohamacuta
 Jesure masori jire. ã masoriro jiro Espiritu Santo
 mari mehne to jirucuchu mari yariari baharo Co-
 hamacu mari cãhure masonohca. ã masono wah-
 maa pjacuri wahachu yoarohca marine. Jesure to
 masoriro seheta masonohca mari cãhure.

¹² Yu coyea, to ã yoachu ñuna ñaa mari goa
 pjarire yoena tjijihna. ¹³ Mari ñaare yovina jina,
 pichacapu wahahtinata jinocanata nija. Espiritu
 Santo to yoadohoa mehne ñaa yoare duhuna,
 jipihtia dachoripe Cohamacu mehne jirucunahca.

¹⁴ Jipihtina Espiritu Santore yuhtiina Cohamacu
 pohna jira. ¹⁵ Espiritu Santo mari mehne to ji
 ducachuta Cohamacu pohna ji ducãi. Wiho mejeta
 tiro marine dutipe, dahrachu yoah tiro jierara.

Ã jina panopu mari cuiriro sehe mipu sehere mari cuieraja. To pohna jina, Espiritu Santo to yoadohoa mehne mipure “Yu Pucu”, nija mari Cohamacure. ¹⁶ Ã jiro Espiritu Santo mari wacũapu marine õ sehe ni masichu yoara: “Potocãta Cohamacu pohna jija mari”, ni masichu yoara. ¹⁷ Ã jina to pohna jina, Cohamacu jipihtiare to pohnare “Waihtja”, to nirire mari sehe cjuanahca. Jesucristo cãhu cjuã, mari cãhu cjuanahca tíre. Cristo yare mari yoari buhiri ñano yãhdũina jina mari tiro mehne mũanopu noano wahchea mehne jinocanahca. Ã jina Cohamacu to pohnare to “Waihtja”, to nirire cjuanahca mari Cristo mehne.

¹⁸ Mipure ahri yahpai ñano yãhdũsinija mari. Baharopure mari mũanopu noano jinocanahca. Ã jina mipure ñano yãhdũna, pjiro cahya tãhotuena tjijihna. Ahri mari ñano yãhdũã wiho waro jira. Baharo noano jinocanahca Cohamacu mehne. Ã jina tuaro wahchenahca. Ahri pini wiho waro jierara. ¹⁹ Cũ mũmũ Cohamacu to pohnare cohtotarohca. Buhiri marieina, yariaerahtina, noaina waro jichu yorarohca marine. Mari ã wahachu jipihitia Cohamacu to bajuamehneri cjiri cãhu wahma dihta cohtota pihtia wahaahca. ²⁰ Jipihtiropure to bajuamehneri noaa ti jiborire dojomehneha masũno ñano yoa dũcaro. Ti mũ sũro ã wahaeraha. Masũno Cohamacure to yãhdũrucaro mehne to bajuamehneri ã wahaha. Ã jiro Cohamacu to bajuamehneri cjirire ãta ñano ji dutisiniha. Baharo to bajuamehneri cjirire noaa wahachu yorarohca tjoa tiro. ²¹ Ã jiro Cohamacu to bajuamehneri cjirire baa pihtiborire noaa wahachu

yoarohca tjoa. Cohamacu pohnare noaina to wahachu yoariro seheta, tinare noano to yuhdoriro seheta noaa wahachu yoarohca Cohamacu to bajuamehneri cjirire cūhare. ²² Jipihtia Cohamacu to bajuamehneri cjiri ñano ti ji ducari baharo ñano yuhduha tiha. Numino niji wahcõno to ñano yuhduro seheta to bajuamehneri cūhu dachoripe ñano yuhducurura. Tíre mari masija. ²³ Ñ yoa mari cūhu to bajuamehneri cjiri yoaro seheta ñano yuhduja. To yaina mari wahachu, Cohamacu to yairo Espíritu Santore dóihta ware marine. Ñ jina “ ‘Waihtja’, to niriro seheta sohtori tirohca”, ni masija mari. Ñ jina noaa sehere marine to cohtotahtore tuaro waro cohtaja. Ñ yoa to pohna mari tiro mehne mari noano jihto cūhare tuaro cohtaja mari. Tuhsu, wahma pjacure marine to wahto cūhare tuaro cohtaja. ²⁴ Mari ñ cohtaina jichu, tirota marine pichacapu wahaborinare yuhdore. Tiro cahapu jirina jina tiro cahapure mari wahahatore cohtaeraboa mari. Marine to yuhdo tuhsuri baharo tíre cohta namoeraboa. ²⁵ Ñ jina to wahtire ñherapanahta Cohamacu marine to yuhdohtore cohtana, noano mehne ñ cohtarucuja.

²⁶ Ñ yoa Cohamacure wacū tuaera cureina to cahmaare noano masieraina jija mari Ñ jina tirore quihõno siniina cūhu jieraja mari. Wiho mejeta mari ñ jiina jipachuta, Espíritu Santo sehe marine yoadohora. Marine tuaro pja ñano mari ya cjihtire durucuro marieno to tuhhotua mehne tiro Cohamacure tuaro sini payobasara. ²⁷ Cohamacu to cahmano seheta mari Jesu yaina ya cjihtire sini payobasara tiro Espíritu Santo. To ñ

sini payobasach_u Cohamac_u mari t_uhotuare masi pahñoriro jiro, Espíritu Santo to sini payobasaare masina.

Cristo to tuaa mehne ñaa yoaare y_uhd_ur_ucanahca mari

²⁸ Ahrire y_u yahuhtire masija mari: Jipihtina Jesure cahñina mari jich_u to cahmaare yoahtinare besere marine tiro. ã jiina mari jich_u ñano Cohamac_u ã yoadohorucura marine. ã jina mari ñano y_uhd_ur_upanahta ñano y_uhd_ur_uucu dojoaeraja. ã jina Cohamac_u yoadohoro mehne noano jinahca mari. ²⁹ Cohamac_u marine to yaina cjihtire dóip_uta masi, bese tuhs_uha. ã besero to mac_uno Jesu to yoaro seheta jihtina cjihtire marine c_uha, pay_u masa to mac_uno_{re} mari wahmi tihto cjih_utore. ³⁰ Panop_u to yaina to ji dutirina mari jich_u, to pohna mari jihtina cjihti c_uh_ure beseha marine. ã jiro marine to beserinare tiro “Buhiri marieina, noaina jira”, ni ñ_ure. Marine to ã niinare tiro yoaro sehe jihtina cjihtire tiro mehne m_uanop_u noano jich_u yoarohca Cohamac_u.

³¹ Tíre masina õ sehe t_uhotuja mari: Cohamac_u marine to cahñinare ne paina ñ_u tuhtia bihosi. ³² Cohamac_u mari ya buhirire yariahtirore to mac_uno_{re} warocaha. “Y_u mac_ure cahñja. ã jic_u tirore warocaeraja”, nieraha tiro. Marine ã tuaro yoadohoriro jiro, jipihtia marine d_uhsarire wa pahñonohca. ³³ Cohamac_u to beseina mari jich_u, tiro marine “Ñaa buhiri marieina, noaina jira”, ni ñ_ure. Mari ã jiina jich_u paina marine “Ñaina jira”, ne ni yahusã masierara. ³⁴ Cristo

mari ya buhirire yaria masa mɔjaha. Mipure Cohamacɔ poto buhusehe sehei jira pɔhtoro jiro. ã jiro tiro mari ya cjihtire potocãta sini payoro nina Cohamacɔre. ã jia paina sehe marine ne buhiri dahre duti masierara Cohamacɔre. ³⁵ Cristo marine to tuaro cahĩchɔ paina tirore “Cahĩ tjia”, ne ni masierara. Cahĩ duhusi tiro. Mari ñano yɔhdɔpachɔta, mari cuipachɔta, paina marine ti ñano yoapachɔta, mari jɔca baapachɔta, suhti marieina mari jipachɔta, nu cuaroi mari jipachɔta, marine ti wajãpachɔta Cristo marine ã cahĩrucurohca. ³⁶ Cohamacɔ yare ti joari pũi mari ñano yɔhdɔhtore yahuro, õ sehe nina:

“Mɔ yaina sã jichɔ masa ñɔ jicoaeraa, ti wajãhtina ã jirucunata nija.

Oveja ti wajãhtina ti jiriro seheta sã cũhɔre ã wahara”,
ni joaa tiha Cohamacɔ yare ti joari pũi.

³⁷ ã jina mari ñano yɔhdɔpanahta Cristo marine cahĩriro to yoadohoro mehne tí jipihtiare yɔhdɔ witinahca. ã yɔhdɔna to yare ne duhusi mari. ³⁸⁻³⁹ Jesucristo yaina mari jichɔ ñɔno Cohamacɔ sehe marine tuaro cahĩna. ã jiro tiro marine ne cahĩ duhusi. Mari yariachɔ cũhɔre, mari catichɔ cũhɔre, mipure, baharopɔ cũhɔre, tiro marine cahĩ duhusi. ã yoa anjoa, watia pɔhtoa, ahri yahpa macaina pɔhtoa, mɔano macaina, ahri yahpa macaina cũhɔ marine Cohamacɔre “Mɔ yainare cahĩ tjia”, nia bihosi tina. Cohamacɔ to bajuamehneri cjiripure tirore marine ne cahĩ duhuchɔ yoaa mariahna. Marine ne tiro cahĩ duhusi.

9

Israe masa Cohamacu to beserina jira

1-2 Y_H coyeya Israe masare wacũc_H tuaro cahyaja. Cristore cahmaerara tina. ã jic_H ñano cahya ya-jeripohna tija y_HH_H. Tí y_H ã ni yahua potocãta jira. Y_HH_H Cristo yairo tjija. ã jic_H m_Hsare “Cahyaja”, y_H nia sehe potocãta jira. M_Hsare ã nic_H mahñoi nieraja. Espíritu Santo y_H ã mahñoe_rach_H masino, y_HH_Hre “Quihõno m_H cahyarire yahure m_HH_H” ni, y_HH_Hre masich_H yoare. ³ Israe masa y_H coyeya y_H ya yahpa macaina pichacap_H wahaahca. Cohamac_Hre tinare y_Hhdo duti duac_H õ sehe ni duamaca y_HH_H sehe: “Ti ya buhirire y_HH_H sehe pichacap_H wahahtja. ã jiro ti yaro jiborirore y_HH_H sehere buhiri dahrejaro Cristo”, ni duamaca y_HH_H.

⁴ Tina y_H coyeya Israe cjiro panamana ji turiaina jira. Tinare to pohna cjihtire cũha Cohamac_H. Tuhs_H, to si sitea mehne ti watoi jia tiha. Tinare jipihtinare to noano wahach_H yoaa cãh_Hre yahu cũ m_Hhtaa tiha. Tuhs_H, Moise cjirore to dutiri cãh_Hre dóip_rata tinare Israe masareta cũ m_Hhtaa tiha. Tirore ti ño payohti macaa cãh_Hre tinareta cũ m_Hhtaa tiha. Tuhs_H, masare to y_Hhdohto cãh_Hre yahu cũa tiha tinare Cohamac_H. ⁵ Sã ya curuari waro doce curuari waro jira. Sã ñ_Hch_Hs_Hma ji m_Hhtarina cjirip_H ti panamana jia tiha. Ti panamana ji turiainap_H jija sã Israe masa. ã jiro mari yoaro sehe pjac_H tiroro taro, sã coyero Israe masano waro jire Cristo. Tiro Cohamac_Hta jira. ã jiro tiro jipihtina bui p_Hhtoro jira. Jipihtia dachoripe tirore noano ño payojihna mari. ã ño payorucujihna.

6 Paina Israe cjiro panamana ji turiaina jipahta Cohamacu yaina waro jierara. ã jina tina to yaina ti jierachu ñuna õ sehe ni tãhotuboca musa: “Israe masare yu yaina jichu yoaihtja’, niparota cãinare Cohamacu to niriro seheta yoaerara”, ni tãhotuboca musa. ã ni tãhotuena tjiga. 7 Õ sehe jira: Paina Abrahã panamana ji turiaina ti jipachuta “Abrahã panamana ji turiaina waro jira”, ni ñerara Cohamacu tinare. ã jiro õ sehe nia tiha Cohamacu: “Mu macu Isaa panamana ji turiaina tina pinihta potocãta mu panamana ji turiaina waro jahca”, ni yahu cãa tiha Cohamacu Abrahãre. 8 To ã ni yahu cãchu ahrire masinahca mari: Abrahã cjiro panamana jipihtina waro Cohamacu pohna jieraca. Cohamacu to ni cãrire noano tãhoina tirore wacũ tuaina sehe tinata jica Cohamacu pohna. ã jia tinata jira Abrahã cjiro panamana ji turiaina waro.

9 Õ sehe niha Cohamacu Abrahã cjirore: “Pacãhma ahri pja baroihta yu tjua tachu mu namo Sara wihãrirocãre cãarohca mu macure”, nia tiha Cohamacu Abrahã cjirore. ã nino Cohamacu Abrahã cjiro macuno to masa bajuahtore yahu cãyuro nia tiha.

10 Baharo Isaa cjiro namono Rebeca wama tiricoro puaro pohna tia tiha. Ti puaro Isaa sã ñuchu cjiro jia tiha. 11-12 ã jia ti pohna ti masa bajuerasinipachuta, noaare, ñaa cãhure ti yoaerasinipachuta Cohamacu ti pocoro cjihtore õ sehe nia tiha: “To baharo sehe to wahminore dutirohca. ã jiro to puhtoro jirohca”, nia tiha ticorore. Cohamacu to cahmano seheta besera

tiro. ã jiro jiro cãirocãre besero ticorore ãta ni yahua tiha. ã jiro masa ti yoaare ñeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pũ: “ ‘Jacobó sehere cahãa tihi. Esaú sehere cahãera tihi’, niha Cohamacu”, ni joaa tiha panopu.

¹⁴ ¿Tíre wacũna dohse ni tãhotubocari mari? ¿Ti yoahtere ñeraparota cãirore ã besero Cohamacu quihõno yoaro nierabocari, m̄sa tãhotuchu? Jierara. ¹⁵ Õ sehe nia tiha Cohamacu Moise cjirore: “Diro yu pja ñu duarirore pja ñuhtja”, nia tiha tiro Moise cjirore. ã jiro cãirore ã besero quihõno yoaro niha Cohamacu. ¹⁶ ã jina mari m̄ sũro mari cahmano sehe Cohamacure marine pja ñuchu yoaeraja mari. Tuhsu, ne mari noaare mari yoari wapa cãhure marine pja ñerara tiro. To m̄ sũro to pja ñu duaina sehere pja ñuna. ¹⁷ Egipto macaina puhtoro faraõ cãhure to cahmano seheta yoaa tiha tiro. Õ sehe nia tiha Cohamacu faraõre: “Egipto macaina puhtoro cjihtore cũi nii m̄hure yu tuare jipihtinare yu ñohto cjihtore. Tuhsu, jipihitia yahpari macaina yãhure ti masihto cjihtore puhtoro sõi nii yãhu m̄hure”, nia tiha Cohamacu faraõre. Tó seheta nina Cohamacu yare ti joari pũ. ¹⁸ ã jiro to pja ñu duainare to m̄ sũro pja ñuna tiro. Tuhsu, paina sehere to m̄ sũro yãhtierachu yoara tiro. To cahmano seheta yoara tiro.

¹⁹ To ã yoariro jichu ñuna yãhu sehere õ sehe niboca m̄sa: “Cohamacu marine to cahmano seheta to yoachu mari sehe tirore yãhdurucana bihosi. ¿Mari ã yãhdurucana bihoerapachuta dohse jiro baro marine buhiri dahre duajari tiro?” ni

susini sinituboca m̄sa ȳh̄ure. ²⁰ Tíre õ sehe ni ȳhtija m̄sare: ¿Masa wiho jiina jipanahta Cohamac̄ure tuhtijari m̄sa? Dihi biato dahrerirore “¿Dohseac̄u ȳh̄ure õ sehe jiri biato yoari m̄h̄u?” tí biato to ni sinituboriro seheta nina nica m̄sa Cohamac̄ure. Tó sehe ni masierara m̄sa. ²¹ Dihi biato dahreriro dihi mehne to yoa duaro seheta yoara. Å yoaro c̄uria dihica mehne noaare c̄ühti biatore yoa masina tiro. Tia dihica mehneti wiho jiare c̄ühti biato c̄h̄ure yoa masina tiro. Tiro yoaro seheta Cohamac̄u c̄h̄u to yoa duaro seheta yoara.

²² Å jiro Cohamac̄u pichac̄u to cohãhtinare ti ñaa yoarire to ñu yabiare, to tuua c̄h̄ure ñono taro, tinare dói buhiri dahre duamaha. Å dói buhiri dahre duaparota, yoari pja ti ñaa yoaare å ñunocasiniha. Å jiro tinare buhiri dahrerasiniha. ²³ Åta yoaha Cohamac̄u noabiariro to jiare, to tuua c̄h̄ure mari masihto c̄jhtore. Panop̄u marine to pja ñ̄ina c̄jhtire tiro beseri jire jipihtia to tuaare to noaa c̄h̄ure mari c̄jhahto c̄jhto sehe. ²⁴ Å jina mari sehe to beserina jinata nija. Å jia to beserina sehe c̄ina judio masa dihta jierara. C̄ina judio masa jieraina c̄h̄u jira to beserina. ²⁵ Åta nina judio masa jierainare Cohamac̄u yare Osea c̄jro to joariro seheta:

“Pano ȳu yaina jieraina c̄jri c̄h̄ure baharop̄u tinare ‘Ȳu yaina jira’, nihtja.

Å yoa pano ȳu cah̄eraina c̄jri c̄h̄ure baharop̄u tinare ‘Ȳu cah̄ina jira m̄sa’, nihtja”, nia tih̄a Cohamac̄u.

26 “ ‘Y_u yaina jierara m_{usa}’, Cohamac_u to nia yahpari macaina tina Cohamac_u catiriro pohmata jiahca”,

ni joaa tiha Osea cjiro panop_{ure}. 27 Tuhs_u, panop_u macariro Isaia cjiro c_{uh} Israe masare õ sehe ni yahua tiha: “Pjiri ma macaa pad_u yaparicãre mari quihõna bihoeraja. Israe masa tí yaparicã peri pay_u ti jiro sehe jiina ti jipach_uta mahainacã Cohamac_u y_uhdorohca tinare. 28 Cohamac_u ahri yahpa macainare pay_u masare to nino seheta cjero mehne potocãta buhiri dahre bahrañonohca”, nia tiha Isaia cjiro. 29 ã yoa pari turita Isaia cjiro õ sehe ni joaa tiha tjoo:

“Mari p_uhtoro jipihtina bui p_uhtoro mahainacã mari mehne macainare y_uhdorero, marine judio masare jipihtinare butich_u yoaboa tiro.

Sodoma macainare, Gomorra macaina c_{uh}re to butich_u yoariro seheta mari c_{uh}re butich_u yoaboa tiro”,

ni joaa tiha Isaia cjiro y_u coyee Israe masare.

Judio masa noaa buheare cahmaeraha

30 ã tjira. ã jina ahrire masi namoga m_{usa}: Judio masa jieraina Cohamac_ure macaerapahta tirore bocare. Jesucristore ti wac_u tuach_u ñ_uno, “Buhiri marieina, noaina jira”, ni ñ_ure tinare Cohamac_u.

31 Wiho mejeta judio masa sehe “Cohamac_u dutiare mari yoach_u tiro marine y_uhdorohca”, nia Cohamac_u Moise cjirore to dutiare yoapahta, bihoerare. Ti ã bihoerach_u ñ_uno, Cohamac_u “Noaina jira”, ni ñ_uerare tinare. ã jia noaina ji duapahta bihoerare. 32 Õ sehe yoa, tina bihoerare:

Tina Cohamacuare wacũ tuaro marieno ti m̄ s̄uro Moise cjirore to dutirire yoa duamare, to yaina ji duaa. Mari piti dahre buhech̄u Cristo tãca yoaro sehe jirore jira. Ti m̄ s̄uro yoainare Cristo p̄ha tu borach̄u yoari tãca yoaro sehe jirore jira. M̄roca wahcãriro sehe tãcap̄u p̄ha tu, bora s̄u caharo to wacũ wahcãnop̄ure ne s̄uerara. (P̄ha tu borariro yoaro seheta tina Cristore tãca yoaro sehe jirore cahmaeraina Cohamacu cahap̄u ne s̄usi.) ³³ ãta ni joaa tiha Cohamacu yare ti joari p̄i:

“Jerusalẽ wama tiri macai p̄ha tu borach̄u yoari tãca yoaro sehe jirore c̄ja.

Mari piti dahre buhech̄u õ sehe jira: M̄roca wahcãriro tãcap̄u doca wahã s̄u bora s̄u caharo to wacũ wahcãnore s̄uerara.

Tãca yoaro sehe jirore cahmaeraina sehe tiare p̄ha tu bora, ti wacũ wahcãnop̄ure ti s̄ueraro seheta Cohamacu cahap̄u s̄usi.

Wiho mejeta tirore wacũ tuaina sehe tiro mehne ã wahcherucuahca”,
ni joaa tiha.

10

¹ Ȳu coyee, Israe masare pichacap̄u waha-borinare Cohamacu to ȳhdohtore, tuaro ȳu ya-
jeripohna mehne cahmasãamaja ȳh̄u. ã jic̄u Co-
hamacu tinare to ȳhdohto cjihtore sini payoja
ȳh̄u. ² Potocãta tina Cohamacu cahmaare tu-
aro yoa duamana. ã yoa duapahta to cahmaa
warore masierara. ³ Tuhs̄u, tinare Cohamacu to
noaina wahach̄u yoaborire tina t̄ho ñahaerare. ã
t̄ho ñahaeraa, ti m̄ s̄uro noaare yoa duapahta
bihoerare. Ti ã yoach̄u tinare Cohamacu to wacũ

tua dutiriro seheta ti yoaerach_u ñ_uno, tiro sehe tinare “Noaina jira”, ni ñ_uerare. ⁴ Wiho mejeta Cristore wacũ tuaina sehete “Noaina jira”, ni ñ_una Cohamac_u. ã jina dutia yoa mehne y_uhd_ueraja mari. Cristo mehne y_uhd_uja.

⁵ Moise cjiro panop_u macariro õ sehe ni joaa tiha: “Cohamac_u to dutirire ne cãno d_uhsaro marieno mari yoa pah_uoch_u Cohamac_u y_uhdorohca marine”, ni joaa tiha tiro. ⁶⁻⁷ To ã ni joapach_uta mip_ure masa Cristore ti wacũ tuach_u ñ_uno Cohamac_u tinare “Noaina jira”, ni ñ_una. Tí buhea noaina ti wahach_u yoari buhea õ sehe ni yahura: Cristo to basi ahri yahpap_u wihi tuhs_uri jire. Tuhs_u, masa m_uja tuhs_uri jire. ã jina õ sehe ni t_uhotuena tjiga m_usa: “¿Diro sehe m_uanop_u Cristore na tabasaro wahabocari marine to y_uhd_uohto sehe? ¿Diro sehe yariaina cahap_u Cristore masobasa na tabocari? Tirore na taboriro mariahna”, ni t_uhotuena tjiga m_usa. ⁸ Õ sehe ni yahura Cohamac_u yare ti joari p_ui: “Cohamac_u ya buheare mari macach_u to buhea õi jira. To buheare masi tuhs_ura m_usa. ã yoa to buheareta durucua tire m_usa”, ni joaa tiha. Tí buheare Cristore wacũ tuaa buheare masare yahuja sã. ⁹ Tí buhea õ sehe ni yahura: “Jesu mari p_uhtoro jira”, ni mari yahuch_u, “Cohamac_u Jesure yariariro cjirore potocãta masore”, ni mari wacũ tuach_u, Cohamac_u marine pichacap_u wahaborinare y_uhdorohca. ¹⁰ Jesure mari wacũ tuach_u Cohamac_u sehe marine “Noaina jira”, ni ñ_unohca. Jesure mari wacũ tuaare painare mari yahuch_u tiro marine pichacap_u wahaborinare

yǎhdorohca.

¹¹ Õ sehe nina Cohamacǎ yare ti joari pǎi: “Cohamacǎre wacǎ tuaina tirore ti wacǎ tuaa mehne ne cahyasi”, niha Cohamacǎ yare ti joari pǎi.

¹² Judio masare, judio masa jieraina cǎhǎre Cohamacǎ cǎno pоторita yoadohora. Mari pǎhtoro jipihtina bui pǎhtoro jira tiro. ã jiro tirore to yoadohoare siniinare jipihtinare noano waro yoadohorohca tiro tinare. ¹³ Õ sehe ni joaa tiha panopǎre: “ ‘Yǎ buhiri tiare cohǎbasa, yǎhǎre yǎhdoga’, ni mari pǎhtorore masa ti sinichǎ tinare pichacǎpǎ wahaborinare mari pǎhtoro yǎhdorohca”, ni joaa tiha Cohamacǎ yare. ¹⁴ Wiho mejeta masa sehe Cristore wacǎ tuaeraa, tirore ã ni sini masierara tina. Tuhsǎ, to buhea cǎhǎre tǎhoeraa, tirore wacǎ tua masierara. ã yoa to buheare yahuriro mariachǎ cǎhǎre tíre tina masisi.

¹⁵ Tuhsǎ, to buheare yahuhtinare Cohamacǎ sehe to warocaerachǎ to buheare yahu masierara. ã ni joaa tiha Cohamacǎ yare ti joari pǎi: “Noa buheare yahuhtina ti tachǎ noano wahcheja mari”, ni joaa tiha panopǎre.

¹⁶ Tí ã ni joari jipachǎta masa payǎ noaa buheare tǎho duaerara. ãta ni joaa tiha Isaia cjiro: “Yǎ pǎhtoro, tinare mari yahurire tina ne tǎho duaerare”, ni yahua tiha Isaia cjiro Cohamacǎre.

¹⁷ ã jia masa noaa buheare tǎhoa Cristore wacǎ tuare. Ti tǎhoa sehe noaa buhea sehe Cristo ya buhea waro jira.

¹⁸ ã jicǎ ahrire ò sehe ni sinitu ñǎ duaja mǎsare: ¿Israe masa Cohamacǎ yare tǎhoerari, mǎsa

tuhotuchu? Potocãta tina tuhoa waro tuhomare.
 Āta nina Cohamacu yare ti joari pũ cãhu:

“Cohamacu noa putiariro to jia tiare yahuina jipi-
 htiropu yahu sitea wahare.

Ā jia jipihtiro macainapu to yare tuho sahseare”,
 ni joaa tiha panopure. ¹⁹ Pari turi musare õ sehe ni
 sinitu ñu duaja tjoa: ¿Israe masa tuhopahta noano
 masierari tina, musa tuhotuchu? Masia timaha
 tina. Ahrire yahu namocu Moise cjiro to nirire
 yahu muhtaihtja. Õ sehe ni joaa tiha tiro:

“Õ sehe ni yahura Cohamacu Israe masare: “Tuho
 masieraina, ñaina jira”, ni musa ñaina se-
 here yu yaina cjihti wahachu yoaihtja.

Yu ã yoachu musa sehe tina mehne sua, tinare ñu
 tuhtinahca.

Ā yoacu musare suachu yoaihtja yuh’, ni yahure
 Cohamacu Israe masare Israe masa
 jierainare to yaina jichu yoaro taro”,
 ni joaa tiha Moise cjiro. ²⁰ Tuhsu, Isaia cjiro cãhu
 cuiro marieno õ sehe nia tiha:

“Õ sehe nina Cohamacu: ‘Yuhure macaeraina sehe
 yuhure bocahre.

Ā jicu yuhure cahmaerainare tinare yuhure ma-
 sichu yoahi yuh’, nire Cohamacu”,
 ni joaa tiha Isaia cjiro judio masa jierainare.
²¹ Tuhsu, Israe masa sehere õ sehe ni joaa tiha
 Isaia cjiro: “Õ sehe nina Cohamacu: ‘Tina yuhure
 yuhduracaina, yuhure cahmaeraina jira. Ā jicu
 tinare ti ñaare cahya duticu “Yu yaina wahaga”, ã
 nirucumai tinare. Wiho mejeta tina sehe yuhure
 ne yuhti duaerare’, nire Cohamacu”, ni joaa tiha
 Isaia cjiro.

11

*Mahainacã Israe masare pichacapu
wahaborinare yuhdorohca Cohamacu*

¹ ¿Ã jiro Israe masare Cohamacu to beseina cjiire cohãno niri tiro, mûsa tuhhotuchu? Jierara. Tinare cohãerare tiro. Yuhu cãhu Israe masuno, Abrahã panamino ji turiariroru jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu besea tiha. To ã beserinare cohãerare. Cohamacu yare ti joari pûi Elia cjiro ya quitire yahura. ¿Elia cjiro Cohamacure sinino, Israe masare to yahusãrire masierajari mûsa? Õ sehe ni yahusãha tiro: ³ “Yu puhtoro Cohamacu, tina Israe masa mu yare yahu muhtainare wajãre. Tuhsu, tinata paina muhure ño payoa taa, wahiquinare wajã jû muoa tuhuri cãhure cohãre. ã jicu yuhu dihta mu yairo duhsaja mipure. Yu ã jichu tuhoa yuhu cãhure wajã duara tjoa, mipure”, niha Elia cjiro Cohamacure. ⁴ To ã nichu tuhoro Cohamacu sehe õ sehe ni yuhtiha Elia cjirore: “Siete mil waro mu yu yaina jira mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. ã jicu cuii tjiga muhu”, nia tiha Cohamacu Elia cjirore panopure. ⁵ Tí pjare Elia cjiro to jia tiri pjapure to yaina masare to beseriro seheta mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñuno besere. ⁶ Noaare ti yoari wapa tinare besero nierare. Tinare ã cahmano, pja ñuno besere. “Noaare mûsa yoari wapa mûsare besehtja” nino, tiro tinare potocãta pja ñuno nieraboa.

7 Ñ yoa ñ sehe jira: Israe masa Cohamacu tinare “Noaina jira”, to ni ñuchu yoa duapahta tina cãno pjaerare. Wiho mejeta Cohamacu to basi to berina sehe noaina to yaina wahare. Tirore cãno pjaeraina sehe to yare tuho duaerare. 8 Ñta nia tiha Cohamacu yare ti joari pui:

“Cohamacu tirore cahmaerainare to yare tuho ñahaerachu yoare.

Ñ jiro potocã jiare ti tuhopachuta tinare ne noano tuho ñahaerachu yoare Cohamacu.

Ñta jirucura tina mipu cãhure”,

ni joaa tiha panopure. 9 Ñ yoa panopu macariro Davi cjiro Israe masa Cohamacure ti cahmaerari buhiri ñ sehe nia tiha Cohamacure:

“Tina Israe masa ti bose numuri, ti wahchea numuri ti yuhdoro wato, yurica ñahñoriro to ñano yuhduro seheta tina cãhure ñano yuhduchu yoaga.

Tó sehe yoainare tinare ñano buhiri dahrega mahu.

10 Tuhsu, mu yahuare tinare ne tuho ñahaerachu yoaga mahu.

Ñ buhiri tirucuina ji, ñ cahyarucuina jijaro tina”, nia tiha Davi cjiro Cohamacure.

Judio masa jierainare pichacapu wahaborinare yuhdorohca Cohamacu

11 ¿Judio masa Cristore ti cahmaerachu ñno, Cohamacu tinare cohãno warota nibocari, musa tuhochu? Cohãsi tinare. Ñ cohãeraparota tina Cristore ti cahmaerachu mipure judio masa jieraina sehere Cohamacu yuhdorohca. Mipure tinare to yaina jichu yoare Cohamacu. To ñ yoachu ñna

cãina judio masa sehe tina mehne sua sayo, Cohamacu yainata ji duaahca. ¹² Judio masa ti yuhduꝛucachu ti noano yoaerachu paina sehere ahri yahpa macainare cãinare Cohamacu yuhdore. To ã yuhdochu tina sehere noano wahare. To ã yoariro yuhdoro, baharo judio masa sehe Cristore ti noano wacũ tua duꝛachu pinihtare ahri yahpa macainare jipihtiropure noaputiaro waharohca.

¹³ Mipure muresare judio masa jierainare yahui tai nija. Cristo cũre yuhure judio masa jierainare buhehtiro cjihtore. ã jia yu dahraa sehe wiho jia jierara. ¹⁴ To cũriro seheta yuhu muresare buheja, yu coyea judio masa sehere muresare ti ñu cũchu yoa duacu. Cohamacu yuhdorina mura jichu ñua tina cãhu Cristore cahmaa, to yuhdoina wahaboca. ¹⁵ Judio masare cohãbo curero, judio masa jieraina sehere noaa buheare Cohamacu yahu dutire. Tí buheare ti tuhori baharo Jesure ti wacũ tuari baharo cãina judio masa jieraina, jipihtiro ahri dacho macaina Cohamacu yaina wahare. ã jiro judio masare to cohãbo curechu noano wahare paye yahpari macaina sehere. To ã yoariro yuhdoro judio masa to cohãbo cureina cjiꝛire pari turi to yaina cjihti to yoachu pinihtare jipihtinapure ahri yahpa macainare noaputiaro waharohca. To yaina cjihti pari turi ti wahachu, jipihtinapu to yaina yariaina cjiꝛi sehe pari turi ti masaboro seheta jirohca.

¹⁶ Õ sehe jira: Trigo yubu mehne wahma pãoca ti yoaria Cohamacu yaria cjihto Cohamacure ti wachu, tiare ti yoa duhari yubu cãhu to yariata jira. Tuhsu, yucacu nuhcori cãhu Cohamacu ya nuhcori

cjihti jia, t_u d_up_uri c_uh_u Cohamac_u yata jira. Õ sehe mari ni piti dahre buhech_u Abrahã sã ñ_uch_u cjiro Cohamac_u yairo to jiro sehetã to panamana ji turiainap_u c_uh_u Cohamac_u yaina jahca Cristore wac_u tuaina jia. Yoã d_uhari y_ub_u c_uh_u to yariata jica. Tuhs_u yuc_u n_uh_ucori c_uh_u Cohamac_u ya n_uh_ucori cjihti jia, t_u d_up_uri c_uh_u Cohamac_u yata jica. Õ sehe mari ni piti dahre buhech_u, Abrahã sã ñ_uch_u cjiro Cohamac_u yairo to jiro sehetã to panamana ji turiainap_u c_uh_u Cohamac_u yaina jira, Cristore wac_u tuaina jia.

¹⁷ Ti ã jihtina jipach_uta cãinare ti coyea sehere judio masare Cohamac_u cohãre. Olivo wama tid_u d_up_urire cãã d_up_urire to d_ute cohãboro sehetã cãina judio masa sehere Cohamac_u cohãre. ã yuc_u d_up_urire cohãno to cohãri d_up_uri jiro cjiroi paye d_up_urire n_uc_u macad_u olivoc_u d_up_urire cohtota duhu õhre. Tô yoaro sehetã Cohamac_u m_usare judio masa jierainare Abrahã panamana ji turiaina cohtotare m_usare, m_usa cãh_ure yãhdoro taro. ¹⁸ M_usare to ã c_uch_u “Judio masa yãhdoro noaina jija sã”, ni tãhotuena tjiga. Ahrire y_u yahuhtire wac_uga m_usa: Judio masa sehere bese m_uhtaha Cohamac_u. ã besero ti coyero cjihtore c_uha Cristore, m_usare yãhdoro taro. ã jina “Judio masa yãhdoro noaina jija”, ni tãhotuena tjiga m_usa.

¹⁹ M_usa judio masa jieraina sehe õ sehe niboca: “Cãã ñãã d_up_urire to cohãboro sehetã Cohamac_u cãina judio masare cohãre. Paye d_up_urire cohtota to õno sehetã to yaina marine c_uno taro ã cohãre tinare”, niboca m_usa judio masare yãhd_uca du-

ana. ²⁰ Tí m̄sa nia potocãta jira. To ã jipachuta tina Jesure ti wacũ tuaerari buhiri Cohamacu cohãre tinare. ã jiro m̄sa cũhare Jesure m̄sa wacũ tuaerachu to yaina cjihti m̄sare cũeraboa. ã jina “Judio masa yũdoro noaina jija sã”, niena tjiga m̄sa. ã nieranata “Cohamacu cua pisariro jira”, ni tahotuga m̄sa. ²¹ Olivocu ji m̄htaa d̄puri waro yoaro sehe judio masa sehe Cohamacu yaina ji m̄htaha. To cohtotaa d̄puri to õboro seheta Cohamacu to yaina m̄sa sehene cohtota cũha. Wiho mejeta to yaina ji m̄htaina judio masa tirore ti wacũ tuaerachu, cãinare cohãre. Tinare to cohãriro seheta m̄sa cũhare cohãnohca, tirore m̄sa wacũ tuaerachu. ²² Cohamacu m̄sare noano yoariro to jichu masiga m̄sa. Tuhsu, cua pisaro mehne buhiri dahreriro to jichu cũhare masiga m̄sa. Tirore ño payoerainare tiro buhiri dahrerohca. ã jiro tirore m̄sa ño payoerachu olivocu d̄puri warore to cohãriro cjiro seheta m̄sa cũhare cohãnohca Cohamacu. ²³ ã yoa judio masa to cohãbo curerina cjiri Cristore ti wacũ tua d̄cachu ñno, olivocu d̄puri warore pari turi to duhu õno seheta Cohamacu to yaina cjihti yoarohca tinare. Cohamacu to ã yoa masihti cjihtireta tuaare c̄uara tiro. ã jiro tiro tinare cãinare to yaina cjihti yoarohca. ²⁴ M̄sa judio masa jieraina jina, n̄cu macadu olivocu d̄puri yoaro sehe jira m̄sa. ã jiina m̄sa jipachu olivocu toad̄ni n̄cu macaa d̄puri to na ta õboro seheta, Cohamacu m̄sare to yaina cjihti yoahre. To ã yoachu, ne mijoerare tirore. Judio masa Cohamacu to bese m̄htarina jira. Olivocu toadu d̄puri waro yoaro sehe jira

tina. Ā jiro ti jid_u waro cjirop_ure pari turi to duhu ōboro seheta to yaina cjihti pari turi judio masare to yoach_u, ne mijoerara tirore.

Baharo judio masare pichacap_u wahaborinare y_uhdorohca Cohamac_u

²⁵ Y_u coy_ea, ahrire masa ti masieraare m_usare yahuihtja. “Mip_ure sã dihtare besere Cohamac_u. Cohamac_u sã masi y_uhd_ur_uc_u s_uch_u ñ_uno, tiro sãre besere”, m_usa ni t_uhotuerahto sehe ahrire yahuihtja m_usare. Ō sehe jira: Mip_ure pay_u judio masa Cohamac_ure t_uho duasi. Wiho mejeta pay_u judio masa jierainare Cohamac_u to quihōriro puro to yaina to yoari baharo judio masa c_uh_u tirore cahma d_ucaahca. ²⁶ Ti ā cahmach_u judio masa pay_u warore pichacap_u wahaborinare Cohamac_u y_uhdorohca. Cohamac_u yare ti joari p_ui āta ni yahu joaa tiha:

“ Jerusalē wama tiri macai judio masa ya macai tinare y_uhdohtiro tarohca.

Jacobo panamana ji turiainare ti ñaa yoari buhirire tiro cohānohca.

²⁷ Tinare y_uhdoc_u panop_u tinare y_u ni c_uriro seheta yoai nija’, nire Cohamac_u”, ni joaa tiha Cohamac_u yare ti joari p_ui.

²⁸ Mip_ure tina judio masa Cristo yare ño payoeraina Cohamac_ure ñ_u tuhtira. Ti ā yoach_u mip_ure m_usa sehe judio masa jieraina Cristore wacū tua d_ucare. Judio masa sehere Cohamac_u bese m_uhtari jire. Judio masa ñ_uch_us_uma cjiri to beserina ti jich_u mip_u jiina judio masa c_uh_ure tiro cahīna. ²⁹ Cohamac_u to ni c_uriro seheta tinare to beseriro seheta quihōno yoarohca tiro. To

nirire ne bosu tiro. ³⁰ Panopure musa cãhu Cohamacure yuhdurucari jire. Mipure judio masa Cohamacure ti yuhdurucachu ñno tiro musa sehere pja ñno yuhdore. ³¹ Mipure judio masa tirore yuhdurucare. Ti ã yoapachuta Cohamacu musare to pja ñriro seheta tina cãhure baharopure pja ñnohca. ³² Õ sehe jira: Jipihtina masare “Yuhure yuhdurucaina jira”, nina Cohamacu. ã jiro jipihtina tirore yuhdurucaina ti jichu ñno jipihtinare pja ñ masina tiro.

³³ Cohamacu tua yuhdurucu sãriro jira. Noano masi pahñoriro jira tiro. ã jiro to tãhotuare, to yoarire marine noano masihto basioerara. ³⁴ Õ sehe ni joaa tiha Cohamacu yare: “Cohamacu mari puhtoro to tãhotuare ne masa noano masierara. ã jia masa tirore ‘Õ sehe yoaga’, ni masierara. ³⁵ ã jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopure. ³⁶ Cohamacu jipihtiare yoaa tiha. Tuhsu, to tuaa mehne jipihtiare jisnichu yoara tiro. ã jia jipihtia to ya jira. To ã jiriro jichu jipihtia dachoripe tirore ño payojihna mari. ãta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñure. To ã pja ñriro to jichu ñna, yu coyea, musa sehe oveja noarirore ti jũ wa mñoriro seheta Cohamacure ti ño payoriro seheta musa cãhu tirore ño payorucuga, to yare musa noano yoarucuhto sehe. Musa

ã yoach_u, tiro wahcherohca. Ñta yoaro cahmana marine, Cohamac_ure quihõno ño payona tana. Ñ jic_u musare tíre tuaro yoa dutija. ² Ahri yahpa macaina ñaare yoaina yoaro sehe yoaena tjiga m_usa. Ñ yoa m_usa t_uhotuap_ure Cohamac_u noaa t_uhotua sehere to cohtota, c_uch_u, y_uhtiga m_usa. Ñ y_uhtina, noaa sehere t_uho cohtotarina jinahca m_usa. Ñ yoana noaare, Cohamac_u cahmaare, ñaa mariare, potocã jiare masinahca m_usa.

³ Cohamac_u y_uh_ure to yare yoa masich_u yoariro buhe dutiro beseri jire y_uh_ure. Ñ jic_u jipihtina musare õ sehe ni t_uhotu dutieraja y_uh_u. “Noabiaina ji y_uhd_urucaja sã”, ni t_uhotuena tjiga. Ñ t_uhotunocahga. Jesure m_usa wac_u tuari baharo, Cohamac_u m_usa cãinare noaare yoa masihtire to c_uch_u, “To yoadohoro mehne ahri noaare yoaja”, ni t_uhotuina jiga m_usa.

⁴ Õ sehe ni yahu namoihtja y_uh_u m_usare. Mari wamomacari, mari dahpori, mari capari jipihtiro mari p_ujac_ui jia pay_u jira. Mari p_ujac_ui jia cã p_ujac_u jiparota soro jia dahraa c_uhara. ⁵ Tí jiro seheta soro sehe jia dahraare c_una Cohamac_u marine. Ñ jina pay_u masa jipanahta Cristore wac_u tuaina jina, to p_ujac_u cã p_ujac_u yoaro seheta cã curuata jija mari.

⁶ Cohamac_u marine to yoadohoro purota to tuaa mehne yoa dutira. Ñ yoaro marine cãinare soro jia mari yoahrtire c_una tiro. To ã yoach_u marine to c_urire mari sehe noano yoajihna. Ñ jia Jesu yaina õ sehe yoajaro. Cãinare Cohamac_u to yare yahuhtinare c_una. Ñ jia tina Cristore ti wac_u tuaro puro to yare noano yahujaro. ⁷ Cãinare Cohamac_u

m̄sare yoadohohtinare c̄na. ã jia tina m̄sare noano mehne yoadohojaro. Cãinare Cohamac̄ m̄sare buhehtinare c̄na. ã jia tina m̄sare noano buhejaro. ⁸ ã yoa paina c̄h̄ m̄sare s̄ho wahchech̄ yoah̄tina jia, m̄sare noano s̄ho wahchech̄ yoajaro. Tuhs̄, paye barore wahtina jia, ti wahtire noano mehne yajeripohna ti, wajaro. ã yoa paina c̄h̄ m̄sare s̄ho ji m̄htahtina jia, noano mehne s̄ho jijaro. ã yoa pjac̄oinare yoadohohtina jia, wahchea mehne yoadohojaro.

Jesu yaina jina ò sehe yoaina jiga

⁹ “Sã basi cahma cah̄ja”, ni mah̄ono marieno m̄sa basi cahma cah̄ga. ã yoana ñaare ñ̄ yabiina jiga m̄sa. Tuhs̄, noaa sehere ã cahmarucuga. ¹⁰ Tuhs̄ m̄sa bahana warore m̄sa cah̄no seheta Jesu yainare m̄sa mehne macainare cah̄ga. ã yoana m̄sa basi noano cahma ño payoga m̄sa.

¹¹ Cohamac̄ cahmaare yoana, ne caparo marieno yoaga. ã yoana mari p̄htoro to dutiro seheta noano wahchea mehne yoaga.

¹² Cohamac̄ m̄sare pichacap̄ wahaborinare to ȳhdorinap̄ jira m̄sa. ã jiro m̄sa wahahto noaputiario jira. Tíre masina wahchega m̄sa. ã yoa ñano ȳhd̄na, c̄no pjaga “Cristo yare duhuri”, nina. Tuhs̄, Cohamac̄re ã sinirucuga.

¹³ Paye baro Jesu yainare d̄hsach̄ waga tinare. ã yoa m̄sa ya w̄h̄sep̄ c̄h̄re masa ti s̄ch̄ noano yajeripohna tiro mehne tinare piti bocaga.

¹⁴ M̄sare ñano yoainare “Noano wahajaro tinare”, ni sini payoga. Tinare ã sini payona, “Tina ñano ȳhd̄wahnojaro”, niena tjiga.

15 Ñ yoa paina wahcheina mehne jina, m̄sa c̄h̄h̄ tina mehne wahcheha. Tuhs̄ paina ñano cahyaro mehne tiina mehne jina, m̄sa c̄h̄h̄ cahya, tiidohoga tinare.

16 M̄sa mehne macaina mehne noano jiga m̄sa. Ñ jina “Paina ȳhdoro noaina jija”, ni t̄hotuena tjiga. Õ sehe ni t̄hotuga: “Wiho jiina jija”, ni t̄hotuga. Ñ jina “Masi ȳhd̄r̄caina jija s̄a”, ni t̄hotuena tjiga.

17 Paina m̄sare ti ñano yoapach̄ta, tinare ñano yoa cahmaena tjiga. Noaa sehere yoaga, noaina m̄sa jia tiare jipihtina masa ti masihti cjihtire.

18 M̄sa bihoro puro jipihtina mehne noano jinocahga m̄sa. 19 M̄sa ȳ cah̄ina, ȳ coyeya paina m̄sare ti ñano yoapach̄ta tina yoaro sehe ñano yoa cahmaena tjiga. Cohamac̄ sehe m̄sare ti ñano yoari buhiri buhiri dahrejaro tinare. Cohamac̄ yare ti joari p̄i ãta ni joaa tiha: “Ȳh̄h̄ sehe m̄sare ti ñano yoari buhiri buhiri dahreriro jija. Ñ jic̄ potoc̄ta buhiri dahreih̄ta’, nina mari p̄h̄toro”, ni joaa tiha panop̄re. 20 Ñ jina õ sehe yoaga m̄sa: M̄sare ñ̄ tuhtiriro to j̄ca baach̄ ñ̄na nuga tirore. To ñ̄h̄ma yapioch̄ c̄h̄re ñ̄na tirore sih̄ga. M̄sa ã yoach̄ ñ̄no m̄sare to ñano yoari buhiri b̄o tirohca. 21 Ñ jina paina m̄sare ti ñano yoapach̄ta m̄sa sehe tinare ñano yoa cahmaena tjiga. Tinare noaa sehere yoaga m̄sa. Ñ yoana ñaa sehere cahmaerana nica m̄sa.

13

1 Jipihtina m̄sa bui p̄h̄toa cjihtire Cohamac̄ dihta bese c̄na. Ne c̄iro p̄h̄toro Cohamac̄

to bese cūerariro mariahna. To ã cūrina ti jichu ñuna jipihtina m̄sa tinare noano yuhtiga. ² Mari puhtoare noano yuhtierana Cohamacu to bese cūrinare yuhdurucana nija mari. Æ yuhdurucainare Cohamacu sehe buhiri dahrerohca. ³ Noainare cuichu yoahcina jierara puhtoa. Ñaare yoaina sehere cuichu yoahcina jira tina. Noaare yoaga m̄sa puhtoare m̄sa cuierahto cjihto sehe. Æ yoana cui si m̄sa. Noaare m̄sa yoachu puhtoro sehe “Noaare yoare m̄sa”, m̄sare ni ñnohca. ⁴ M̄sa puhtoa Cohamacu to cūno seheta m̄sare yoadohotinata jira m̄sa noano jinocahto cjihto sehe. Wiho mejeta m̄sa ñaare yoana pini tinare cuiga. Tina m̄sare buhiri dahrehtina cjihtita jira. Jipihtina ñaare yoainare buhiri dahre dutiro Cohamacu tinare besere. ⁵ Ti ã buhiri dahrehtina ti jichu ñaare yoana m̄sa puhtoare cuiga. Æ jina ño payoa mehne “Noaare yoaro cahmana yuhare”, ni tuhoturo mehne noano yuhtijihna. ⁶ M̄sa puhtoa ti dahrahti cjihtire Cohamacu cūre. Æ jina ti dahraare ti yoachu ñuna m̄sa puhtoare wapa nabasainare wapara m̄sa.

⁷ Jipihtinare m̄sa puhtoare noano yuhtiga. Tuhsu, puhtoare wapa nabasaina cūhure wapaga m̄sa. Æ yoa puhtoa sehe payere ti wapa dutichu cūhure wapaga. Æ jina jipihtina puhtoare noano ño payoga. ⁸ Tuhsu, paina masare wapamoena tjiga. Tinare cahño cahmana. To cahai jinare cahñiro Cohamacu dutiare yoa pahño tuhsuro jira. Æ jina m̄sa cahai jiina cūhure cahñiga. ⁹ Õ sehe nina Cohamacu dutia: “Pairo namonore w̄ana tien tija. Numia cūhu pacoro manonore w̄ana

tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cãhũ jira. Ti ã jipachũta cãno dutiare m̄sare yahui tai nija. Tí dutia cãno dutia to jipachũta tí dutiare yoana Cohamacũ dutiare yoa pahñona nija mari. Tí dutia õ sehe nina: “Mũ basi mũ cahĩno sehetã mũ cahai jiina cãhũre cahĩga”, nina. Tí dutiare yoana Cohamacũ dutiare yoa pahñoina jina nina. ¹⁰ Mũsa cahai jiinare cahĩna, tinare ñano yoasi. Æ jina tinare cahĩna, Cohamacũ dutiare yoa pahñoinata jira mũsa.

¹¹ Æ jina carĩna yoaro sehe jiena tjiga mũsa. Noano wacũ masiga. Jesure noano wacũ cohtaga. Jesu marine to tjua ta naahto mahanocã dũhsatjiãna. Tirore mari coã wacũ tua dũcachũ Jesu marine to yũdoro tahto mahanocã dũhsamare. Mipũ pinihtare cahacã waro jira to tahto. Ahri yũ nirire masina mũsa. ¹² Mipũre ñaina ya dacho jira. To tahto mahanocã dũhsara. Tíre masina, buhiri tichũ yoare, nahitiano yoaro sehe jiare duhu pahñojihna mari. Æ jina Cohamacũ cahmaa sehere yoajihna mari. Æ Cohamacũ yare yoana, ñaare duhu pahñonahca mari. Ahri dachore payũ ñaa baro jichũ, ñami yoaro sehe jira. Wiho mejeta Cristo to tachũ, ñami yoaro sehe jiro pihtia waha, pa dacho, buhria mũja taro yoaro sehe waharohca. Surara coma suhtiro to sãa dũcataro sehetã Cohamacũ ñaare to dũcataare noano cjuã pahñojihna mari. Æ tíre cjuãna ñaare duhu, Cohamacũ cahmaa sehere mari yoajihna. ¹³ Æ jina Jesu to tahtore wacũ cohtaina jina, noaa sehere yoajihna. Bose n̄m̄rine yoana ñano

yoaena tjijihna. Tuhsu, cahaena tjijihna. ã jina numia mehne ñano yoaina, paina mehne ñano yoaina, cahma sayoina jiena tjijihna. M̄sa numia c̄hu m̄sa mehne ñano yoaena tjiga. ¹⁴ Wiho mejeta Jesucristore p̄htoro tina, tirore ȳhtiga m̄sa. ã ȳhtina to jiro seheta jiga m̄sa. ã jina ñaare m̄sa goa p̄jaa sehere yoaena tjiga.

14

M̄sa coyeare Jesu yainare “Ñano yoaa nina”, ni yahuwajaena tjiga

¹ Jesure wacũ tuarirore to noano wacũ tuaro d̄hsasinichu ñuna tirore ji coaro mehne cahmaga. To ã jiro jichu ñuna “Ne masierara m̄hu” ni, tiro mehne cahmasayoena tjiga. ² “Jipihtiare chu masija ȳhu”, ni t̄hotura paina. Paina sehe Jesu yare noano masierasinia wahiquinare ch̄eraina, toaa dicha dihtare ch̄ra. ³ Jipihtiare ch̄ina sehe toaa dicha dihtare ch̄inare ñu tuhtiea t̄jijaro. ã yoa toaa dicha dihtare ch̄ina c̄hu jipihtiare ch̄inare “Ñano yoaa nina”, ni cahma yahuwajaea t̄jijaro. Jipihtiare ch̄ina sehe Jesure wacũ tuaina ti jichu Cohamacu tinare to yaina yoa tuhsare. To yaina ti jichu ñuna wahiquinare ch̄eraina sehe tinare yahuwajaea t̄jijaro. ⁴ Jesure wacũ tuaina Cohamacu dahra cohtaina dihta jira. Ti ã jichu ñuna m̄sa tinare yahuwaja masierara. Jesure wacũ tuaina to cahmano sehe ti quihõno yoaerachu ñuno tiro dihta ti p̄htoro jiro, tíre yahu poto masina. To cahmaare quihõno ti yoachu c̄hure tíre yahu masina tiro. ã jiro tiro sehe

to yainare “Ñano yoare mũhũ”, ni yahuhtiro jirohca. ã jiro tirore dahra cohtainare noaa dihtare yoarucu masichũ yoariro jira Cohamacũ.

⁵ Cãina cãa dachori cua pisaro mehne Cohamacũre ti ño payohti dachori cjihtire cjũara. Paina sehe, “Dohse jiri dachore Cohamacũre ño payochũ, noana”, ni tũhotu, ño payoina jira. Tina cãno potori ã yoaeraina jipahta jipihtina õ sehe ni tũhotujaro: “Jesu to cahmano seheta noano yoana nija”, ni tũhotu masijaro. ⁶ Cũiro cãa dachori cua pisaro mehne Cohamacũre ti ño payoa dachorihi Cohamacũre ño payoro, tiro cãhũ quihõno ño payoro nina. Tuhsũ jipihtiare chũriro chũrota, Cohamacũre “Noana”, ni wahche payora tiro. ã jiro tiro cãhũ Cohamacũre ño payorota nina. ã yoa paio sehe cãa chũare chũerara, Cohamacũre ño payoro. Tiro cãhũ Cohamacũre “Noana”, ni wahche payora.

⁷ Tuhsũ, mari cahmaa dihtare yoaina ne ji masieraja mari. Cristo jira mari pũhtoro. ã jiro mari catichũ mari yariachũ cãhũre mari pũhtorota jira. ⁸ Mipũre mari catisinino puro Cristo yare yoahcina jija mari. To yaina jija. Mari yariari baharopũ cãhũre to yainata jinahca. ã jiro mari catichũ mari yariachũ cãhũre Cristo mari pũhtoro jira. ⁹ ãta jira. Cristo yaria masa mũjaha catiinare, ã jichũ yariaina cãhũre ti pũhtoro jiro taro.

¹⁰ ¿Dohseana tana mũsa coyeirore Jesu yairore “Ñano yoaro nina”, ni yahuwaja duajari mũsa? ¿Dohseana tana mũsa coyeirore tũ diho cũ duajari mũsa? Mari jipihtina Cristo panoi mari ducuchũ

tiro sehe mari yoarire masi pahñonoriro jiro, marine beserohca noainare, ñainare. To ã besehtiro to jich_u m_usa coyeirore “Ñariro jira”, ni yahuwajaena tjiga. ¹¹ Cohamac_u yare ti joari p_ui ã sehe ni joaa tiha:

“Õ sehe nire mari puhtoro: ‘Y_uh_u catiriro jija.

Ã jic_u ã sehe ni quihõno warota yahuja m_usare.

Jipihtina y_u panoi na tuhcuca caha s_uahca.

Ã na tuhcuca caha s_u, “Noariro, tuariro jira m_uh_u” ni, y_uh_ure ño payoahca’, nire mari puhtoro”,

ni joaa tiha. ¹² ã jiro jipihtina mari yoarire Cohamac_u siniturohca marine. “¿Dohse yoana ã yoari?” ni siniturohca. To ã sinituch_u y_uhtiro jica marine.

M_usa coyeirore ñano yoach_u yoaena tjiga m_usa

¹³ ã jina mari mehne macainare “Ñaina jira m_usa”, ni cahma yahuwajaena tjijihna. ã yoana mari coyeirore Jesu yairore dojomehnena tjijihna “Jesure wac_u tua duhuri”, nina. ¹⁴ Y_uh_u Jesucristo yairo jic_u, ahri y_u nihtire noano masija y_uh_u. Y_uh_u sehe jipihtia ch_uare y_u ch_uch_u y_u ch_uri buhiri, buhiri mariahna. Wiho mejeta paio sehe “Ahri ch_uare ch_uc_u buhiri tii nica y_uh_u”, ni t_uhoturiro sehe ch_uro, potocãta buhiri tiriro jira. ¹⁵ Tí potocã tjira. Paina ti sio, ch_uera barore m_usa ch_uch_u ñ_uno, m_usa coyeiro ñ_u c_u ch_uro, “Cue, ñano yoai nica y_uh_u”, ni p_uj_uro t_uhotuboca tiro. Tirore ã ñ_u c_u ch_uch_u yoana, tirore cah_una nieraca m_usa. To sio, ch_uera barore m_usa ch_uch_u, tiro cãh_u ñ_u c_u ch_uboca. ã ch_uro “Ñano yoai nija”, ni t_uhoturo Cristore duhuboca. M_usa coyeiro yaro jiboriro

cãhure yariari jire Cristo. ã jina “Cristore duhuri”, nina tirore ñh cũ chuchh yoaena tjiga. ¹⁶ ã jia “Ahri sã yoari noa nica”, mûsa ni tãhotuchh paina mûsare yahuwajaboca. Ti ã yahuwajachh ñhna mûsa ã yoarire yoa namoena tjiga, “Yahuwaja namori”, nina. ¹⁷ Cohamacch sehe mari pãhtoro jira. To ã jichh mari chha, mari sihnia cãhã ã jinocaa nina. Wiho warota jira. ã jia mari pãhtoro to dutiare, noaa cãhure mari yoachh tí waro jia nina. Paina mehne mari noano jinocachh cãhure noaa waro jia nina. Tuhsch, Espíritu Santo yoado-hoa mehne mari wahchechh noaa waro jia nina. ¹⁸ Tó seheta Cristo yare yoarirore ñhã Cohamacch, masa cãhã “Noano yoare mûhã”, niahca.

¹⁹ Tó seheta yoajihna mari pinihta noano mari jinocahto cjihtore, mari basi mari cahma yoad-ohohto cjihtore. ã yoana Jesure wacũ tua namonahca. ²⁰ Pairo Jesu yairo to chh dutierari cjirire mûsa chuchh ñhno tiro sehe ñh ji coeraro Cohamacch yare cohãboca. ã jina tíre chhena tjiga. Potocãta jipihtia chha noaa chhata jira. Tí ã jipachhata paye barore mari chuchh pairo “Ñaa chha jica ahri”, niriro jiparota ñh cũ chhoboca. ã chhro ñano yoaro nica tiro. ã jina marine to ñh cũ chuchh, mari cãhã ñano yoana nija. ²¹ Wahiquina dihire mûsa chuchh ñhno, vinore mûsa sihnichh ñhno, pairo Jesu yairo “Tíre chhch ñano yoai nica yuhã”, ni tãhoturiro jiparota tiro cãhã ñh cũ, chh sihniboca. ã ni tãhoturiro pinihta chh sihnino ñano yoaro nina. ã jina tiro to ñano yoaer-ahto sehe Jesure to wacũ tua duhuerahito sehe wahiquina dihire, vino cãhure mûsa sehe mûsa

duhuchu noa nina. ²² “Jipihtiare chu masija”, ni tãhotuna, tíre Cohamacu dihtare yahuga. Ñaare yoerariro, “Noano yoai nica yahu”, ni tãhoturiro wahcheriro jira. ²³ Pairo sehe “Ahri chũare chucu ñano yoai niboca yahu”, ni tãhoturiro jiparota tí chũare chũro, buhiri tiriro jira tiro. “Ahrĩre chucu potocãta noaare yoai nija”, ni tãhotuerara tiro. Æ ni tãhotueraro tíre chũro, to chũri buhiri buhiri tira tiro. “Noaare yoai nija”, ni tãhotueraro tíre yoaro, buhiri tira tiro.

15

Mari cahai jĩnare noano yoajihna

¹ Mari Cohamacure noano wacũ tuaina sehe wacũ tuaera cureinare yoadohojihna. Æ yoana mari ya cjihti dihtare yoaena tjijihna. ² Æ jina mari cahai jĩnare Jesu yainare noano yoajihna ti noano jinocahto cjihtore, Cohamacure ti noano wacũ tua namohto cjihtore. ³ Cristo sehe to ya dihtare yoeraha. Æta nina Cohamacu yare ti joari pũi. Õ sehe ni joaa tiha: “Cristo õ sehe nire Cohamacure: ‘Mahu sehere ñano durucuborina yahu sehere ñano durucure’, nire Cristo Cohamacure”, ni joaa tiha panopure. Æ ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pũi tina joaa tiha mari noano buhehto cjihtore. Æ jina tí pũre buhena wahcheja. Æ buhena mari ñano yuhduna cãno pjana, noano mari yuhduhtore cohtanahca. ⁵ Cohamacu musare tuachu yoariro wahchechu yoariro musare jipihinare cãno potori noano jichu yoajaro, Cristo to cahmano seheta. ⁶ Æta yoajaro tiro musa jipihtina

cãno potori Cohamacure mari puhtoro Jesucristo Pucurore “Noariro, tuariro jira”, ni msa ño payohtore.

Judio masa jierainare noaa buheare yahu ducaha

⁷ Cristo marine to yoariro seheta msa mehne macainare noano cahma piti bocaga. Msa ã yoach ña “Potocãta Cohamacu noariro jira”, ni ñahca masa sehe. ⁸ Msare ahrire niita nija: Judio masare yoadohohtiro cjihto taha Cristo. Cohamacu tirore warocaro judio masa sã ñachusma cjiropare to ni yahuriro cjiro seheta yoaro niha. Tíre to yoari cjiire masare masichu yoahitiro cjihto taha Cristo. ⁹ Masare Cristo to yoadohochu Cohamacu pja ñno nire tinare. To ã pja ñachu judio masa jieraina cãhu Cohamacure “Noariro, tuariro jira” ni, ño payora mipare. Tina cãhare to yaina jichu yoaro taha Cristo. Cohamacu yare ti joari pui ãta ni joaa tiha:

“Cristo õ sehe niha Cohamacure: ‘Judio masa jieraina cahai mchare “Cohamacu noariro, tuariro jira”, ni ño payohtja.

Ã jicu tina cahai basacu m ya cjihtire basaitja’, ni joaa tiha panopare. ¹⁰ Tuhs, õ sehe ni joaa tiha tjoa:

“Cohamacu to beserina judio masa mehne cahma wahchega msa cãhu judio masa jieraina”, ni joaa tiha panopare. ¹¹ Tuhs, õ sehe ni joaa tiha tjoa:

“Judio masa jieraina jipihtina Cohamacure ño payoaro.

Ã jia jipihtiro macaina tirore ‘Noariro, tuariro jira’, ni ño payojaro”,

ni joaa tiha. ¹² Ã yoa Isaia cjiro cãhũ õ sehe ni joaa tiha:

“Jesé panamino ji turiariro tarohca.

Ã taro judio masa jieraina bui pãhtoro jirohca tiro.

Ã jia tina sehe tirore wacũ tuaa, tinare pichacapũ wahaborinare to yũdhohtore masiahca tina”,

ni joaa tiha panopũre.

¹³ Cohamacũ marine baharopũ to yũdhohtore wacũ cohtachũ yoariro noano mũsare wahchechũ yoajaro. Tuhsũ, mũsare Jesure wacũ tuainare noano jinocachũ yoajaro tiro. Mũsare to ã yoachũ mũsare to yũdhohtore Espíritu Santo to tuaa mehne wahchea mehne wacũ cohta namochũ yoajaro.

¹⁴ Ahrire mũsare yũ yahuhtire noano masija. Mũsa sehe noaina jira. Tuhsũ, Jesu yare noano masina mũsa. Ã masina mũsa basi noano cahma yahu, buhe masina mũsa. ¹⁵ Mũsa ã masiina mũsa jipachũta cãa tahari ahri pũpũre mũsare cuiro marieno noano yahu pahño joahi tíre mũsa boerahto sehe. Cohamacũ yũhũre cahño mũsare buhe dutiro cũre yũhũre. Ã jicũ to cũriro seheta yoaja, mũsa tíre boerahto sehe. ¹⁶ Yũhũre to ã cũchũ, sacerdote to yoaro sehe yoaja yũhũ. Ã yoachũ, Jesucristo yare noaa buheare judio masa jierainare buheja yũhũ. Yũ ã buhechũ tãhoa, tina Jesure wacũ tuara. Tina Jesure wacũ tuainare yũhũ sehe sacerdote wahiquinare wajã jũ mũo Cohamacũre yũ waboriro seheta, tinare “Mũ yaina

jira”, nija Cohamacure. Yũ ã niinare Espíritu Santo sehe tinare Cohamacũ yaina cjihti jichũ yoara. Ti ã jiina jichũ ñũno, Cohamacũ sehe ji coaro mehne tinare ñahanohca.

¹⁷ Cohamacũ to buhe duti cūriro jicũ Jesucristo to yoadohoa mehne yũ yoari cjirire wahchea mehne yahuja m̄sare. ¹⁸⁻¹⁹ Tuhsũ, ahri pinihtare m̄sare pototi yahu duahi. Yũ yahua yũ m̄s sũro yũ yahua ne jierara. Paina judio masa jierainare Cristo to yoadohoa mehne tinare yũ buhechũ tũhoa, yũ yoarire ñũa, ã jia Jesu tuaa mehne yũ yoa ñorire ñũa, Espíritu Santo to tuaa mehne tina Cristore wacũ tuare. Jerusalẽpũ wahma yũ buhe dũcari baharo jipihtia macaripẽpũ buhe wahcãhi. Pũ Ilirico yahpapũ cũhũre Cristo ya buhea noaa buheare buhei sũi. ²⁰ Cristo yare masieraina dihtare noaa buheare tuaro buhe duahi, yũhũ mehne macaina ti buherinapũre buhe duaeracũ. ²¹ Æta ni joaa tiha Cohamacũ yare ti joari pũi:

“Panopũ tirore ne tũhoeraina cjiri tirore masiahca.

Æ yoa tirore ne tũhoeraina cjiri to yare noano tũhoahca”,
ni joaa tiha Cohamacũ yare ti joari pũi.

Paulo Romapũ to wahahtore yahuha

²² Æ jicũ jipihtiro macainare buheriro jicũ payũ tahari m̄sa cahai waha duapaihta waha masiera tihi. ²³ Mipũ pinihtare ahri yahparipũre yũ dahraa pihtia wahahre. Æ jicũ payũ cũhmari m̄sa cahapũ waha duariro jicũ m̄sa cahapũ wahihtja. ²⁴ Espaãapũ wahacũ, m̄sare tói ñũ yũhdũaihtja. Æ yoacũ m̄sa mehne wahcheihtja.

Tuhsu, musa mehne mahanocã yu jiri baharo yuhure musa yoadohoa mehne Españaru yuhu wahcãihtja. ²⁵ Mipure Jerusalẽru wahasinii tai nija. Tõ macainare Jesu yainare yu coyeare niñerure naasinii wahai nija. ²⁶ Macedonia yahpa macaina, Acaya yahpa macaina cãhu noano mehne Jesu yainare Jerusalẽru jiiinare pjasuoinare niñerure warocahre tinare yoadohoa. ã jicu tinare tíre wai wahai nija. ²⁷ Tí niñerure waa, noano mehne wahre tina. Ti ã yoachu noa nina, yu tãhotuchu. Tinare judio masa jierainare judio masa sehe Cohamacu yare buhe mãhtare. ã jia tinare to yuhdohto cãhure buhe mãhtare judio masa. Ti ã buhechu ñicu Macedonia macaina Acaya macaina mehne judio masare ti yoadohochu noa nina yuhure. Tinare ti buheri wapa yoaro sehe jira tí, yu tãhotuchu. ²⁸ ã jicu Jerusalẽ macainare tí niñerure wa tuhsucu Españaru wahaihtja. Tõru wahacu musare ñu yuhduaihtja. ²⁹ ã yoa musa caharu yu wahachu Cristo yare musare yu buhechu tiro musare noano yajeripohna tichu yoarohca.

³⁰ Yu coyea, mari puhtoro Jesucristore wacũ tuara musa. ã yoa Espiritu Santo to tuaa mehne painare cahina musa. ã jiina jina yuhu cãhure tuaro sini payoga Cohamacure. ³¹ Õ sehe ni sini payoga: Judea yahpa macaina Jesure ño payoeraina yuhure ti ñano yoa duachu Cohamacu yuhure to ñu wihbohto sehe sini payoga. Tuhsu, Jerusalẽ macaina Jesu yainare niñerure yu wabasachu tina tíre wahchea mehne ti ñahahto sehe sini payoga. ³² Musa ã sinichu

Cohamacu cahmachu wahchea mehne musa cahapu wahaihtja. ã jicu musa mehne jicu wahchea mehne soihtja. ³³ Cohamacu marine noano jinocachu yoariro musa mehne jirucujaro.

16

Paulo noa dutiha

¹ Mari coyeacoro Febe wama tiricoro musa cahapu waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. ² ã jiro payure yoadohoricoro yuhu cãhure yoadohoricoro jihre ticoro. Tuhsu, mari puhtoro Jesu yacoro jira. ã jina ticorore noano mehne musa mehne ji dutiga. Tó sehetã yoaro cahmana marine Jesu yainare. ã yoana ticorore paye baro to maerachu ñuna ticorore waga musa.

³ Aquila, to namono Priscila cãhu noajaro. Jesucristo yare yu buhechu tina cãhu yuhu mehne dahrare. ⁴ Tinare mahano wajãmoñore paina yuhure ti wajã duachu ti yoadohori buhiri. ã jicu tina mehne wahcheja yuhu. Tuhsu, judio masa jieraina Jesu yaina jipihtina tina cãhu tina mehne wahchera. ⁵ Aquila ya wuhai cahmachuina cãhu Jesu yaina noajaro. Yu cahiro Epeneto cãhu noajaro. Tiro Asia yahpa macariro tói jiro Cristore wacũ tua muhtariro jire. ⁶ María cãhu noajaro. Ticoro musa mehne tuaro dahrahe. ⁷ Yu coyea Andrónico, Junia cãhu noajaro. Peresui yu jichu tinata yuhure piti tiina jihre. ã jia yu pano Cristore wacũ tua muhtare tina sehe. Paina Jesu to cõrina sehe tinare “Potocãta noaina jira”, ni durucura.

⁸ Ampliato cãhũ yũ cahĩriro Jesu yairo jira. Tiro noajaro. ⁹ Urbano cãhũ noajaro. Tiro cãhũ mari mehne Cristo yare dahrahe. ã yoa yũ cahĩriro Estaqui noajaro. ¹⁰ Apele cãhũ noajaro. Tiro potocãta noano Jesure wacũ tuara. To yoarire ñũna tíre masija mari. Tuhsũ, Aristóbulo ya wãhũ macaina jipihtina to namono to pohna cãhũ noajaro. ¹¹ Yũ coyeyiro Herodiõ noajaro. ã yoa Narciso ya wãhũ macaina Jesu yaina noa pihtinocajaro. ¹² ã yoa Trifena, Trifosa cãhũ noajaro. Tí numia mari pãhtoro Jesu ya dahraare yoara. Mari cahĩricoro Pérside cãhũ noajaro. Ticoro mari pãhtoro yare tuaro yoara. ¹³ Rufo mari pãhtoro Jesure noano wacũ tuariro, to yare noano yoariro noajaro. To pocoro cãhũ noajaro. Ticoro yũ poco yoaro sehe jiricoro jira. ¹⁴ Asíncrito, Flegonte, Herme, Patroba, Herma, paina Jesu yaina tina mehne macaina cãhũ noajaro. ¹⁵ Tuhsũ, Filólogo, Julia, Nereo, to bahoro cãhũ, Olimpa, paina tina mehne macaina cãhũ Jesu yaina noajaro.

¹⁶ ã yoa mũsa mehne macainare piti bocana, noano mehne piti bocaga. Jipihtina Jesu yaina jipihtiro macaina mũsare noa dutira.

¹⁷ Yũ coyeya, mũsa mehne macaina cãina mũsare cahma ñũ tuhti, cahma tju wachũ yoaina jira. ã jia mũsare Jesu ya buheare dojomehna. ã jina tó sehe yoainare ñũna noano yoanohbũ, “Dojomehneri”, nina. ã yoainare piti tiena tjiga. ¹⁸ Tó sehe yoaina mari pãhtoro Jesucristo yare yoaerara. Ñaare ti goa pjaa dihtare yoara. Tuhsũ, noano tãho ji coaro dero mahño buhera noano masierainare. Ti ã mahño chũ tinare noano tãhora.

Ã jina ã yoainare piti tiena tjiga m̄sa. ¹⁹ M̄sa sehe Jesure noano yuhtiina jira. Tíre jipihtina masina. ã noano yuhtiina m̄sa jich̄ wahcheja yūh̄. ã jic̄ noano m̄sa yoahore m̄sa masich̄ cahmaja yūh̄. ã yoa ne ñaare yoaeraina m̄sa jich̄ c̄h̄re cahmaja yūh̄. ²⁰ ã jiro Cohamac̄ marine noano jinocach̄ yoariro mahanocã baharo wat̄no Satanare yuh̄d̄ucach̄ yoarohca m̄sare. ã yoa mari puhtoro Jesucristo m̄sare noano wahach̄ yoajaro.

²¹ Timoteo yū piti m̄sare noa dutira. Yū coyea judio masa c̄h̄, Lucio, Jasõ, Sosípatro m̄sare noa dutira.

²² Yūh̄ Tercio ahri p̄re Paulore joabasariro jija. Yūh̄ Jesu yairo jic̄ m̄sare Jesu yainare noa dutija.

²³ Gayo ya w̄h̄i jinocai nija yūh̄ Paulo. To ya w̄h̄i Jesu yaina cahmachuna. Tiro c̄h̄ m̄sare noa dutira. ã yoa Erasto ahri maca macaina puhtoare niñerure ñ̄ wihbobasariro m̄sare noa dutira. Mari coyeiro Jesu yairo Cuarto c̄h̄ m̄sare noa dutira.

²⁴ [Yū coyea mari puhtoro Jesucristo m̄sare jipihtinare to cah̄a mehne noano yoajaro. ãta yoajaro.]

Paulo Cohamac̄re ño payoro joa batoara

²⁵⁻²⁷ Mari puhtoro Jesucristo ya buhea mehne noaa buhea mehne Cohamac̄ m̄sare tirore wac̄ tua namoch̄ yoa masina. Panop̄re tí buhea noaa buhea ne masare yahuerari buhea jimaha. Mip̄re Cohamac̄ yare yahu muhtaina cjiri ti joari cjiri mehne tí buheare yahua jira. Yūh̄ c̄h̄

tíreta buheja. Tí buheare Cohamacuã ã jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yũhti, ti wacũ tuahto cjihto sehe. ã jina tirore “Potocãta noariro, tuariro jira mũhũ”, ni wahche payojihna. Tiro cãirota Cohamacuã dihta noano masi pahñoriro jira. Jesucristo to yoadohoa mehne Cohamacure ã ño payorucujihna mari. ãta yoarucujihna.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
